



1 5
1301
22



門 5
疏 1301
卷 22

唐文續拾卷五

榮祿大夫二品頂戴前分巡廣東高廉道加四級臣陸心源輯

吳顓

顓貞元中台州司馬

送最澄上人還日本國詩序

過去諸佛為求法故或碎身如塵或捐軀疆虎嘗聞其說今觀其人日本沙門最澄宿植善根早知幻影處世界而不著等虛空而不凝於有為而證無為在煩惱而得解脫聞中國故大師智顓傳如來心印於天台山遂賫黃金涉巨海不憚滔天之駭浪不怖映

昭和十一年
二月十四日
購求

日之驚鼇外其身而身存思其法而法得大哉其求法也以貞元二十年九月二十六日臻於海郡謁太守陸公獻金十五兩築紫斐紙二百張築紫筆二管築紫墨四挺刀子一加班組二火鐵二加火石八蘭木九水精珠一貫陸公精孔門之奧旨蘊經國之宏才清比冰囊明逾霜月以紙等九物達於庶使返金於師師譯言請貨金買紙用以書天台止觀陸公從之乃命大師門人之裔哲曰道邃集工寫之逾月而畢邃公亦開宗指審焉最澄忻然瞻仰作禮而去三月初吉遐方景濃酌新茗以餞行對春風以送遠上

人還國謁奏知我唐聖君之御宇也貞元二十年已

日台州司馬吳顓敘

日本鄰
交徵書

郭洪

洪貞元中宣德郎前節度使官試左衛兵曹參軍

唐故行涿州司馬金紫光祿大夫彭城郡劉公

墓誌銘

并序

仁德忠貞君臣之節義理家孝悌亦爲政之榮基方府君能盡忠於國純孝於家可謂忠孝雙全者矣府君諱建字建漢室本宗彭城是望昔自塵飛中夏達士蓬征逐勝而遷燕臺應納于茲數代不復彭城今

卽燕人也自大父以前多遇荒□不明難爲具載昭
穆故順化州刺史兼侍御史諱瓌卽其先人府君伯
季六人房居第二先兄諱逸青春之年已卮人世痛
哉絕嗣府君天授仁孝襲紀□綱居卽共被同滄分
飛乃哀鴻霄漢大厯中詩書成立節行□天特賜金
紫光祿大夫行涿州司馬仁佑勳賢振乎千里次第
九愛弟諱迅藝□文筆儉素守官行幽府司戶參軍
再厯檀州司馬謝於瀛州景城縣之令長其次第十
諱□才兼文武勳業重重厯職轅門駢鷄五邑淹於
潞湄縣之□宰次諱□□迴車二宰大邑終於涿

郡歸義縣季曰諱邁守檀州司法參軍三十未餘已
傾下壽或日鷓鴣羣羣聖代急難返及子孫餘慶未
□府君厯任年代碎務開心祓氣俄臨疾忽於甚貞
元十四年十二月八日謝於□□之公館時春秋四
十有五有子兩人長曰拭次曰摸聰敏孝行人所難
偕摸則殂於不幸拭乃孝嗣奉先有女一人適吳郡
朱氏婦德世知朱君早逝府君靈櫬比者龜筮未□
權在大塋今乃兆遷潞城西南□里之原禮也哀號
送往孝思未_缺讓儀毀容誠可繼於曾_缺當宅相幼
沐殊恩無路効於始終□銘記於貞石詞曰

府君物望兮間氣自天雙持文武兮聖代勳賢鷹行
忽斷兮各□天際空存嗣子兮孝行相傳新闕巍巍
兮看成拱木銘記昭昭兮將憑萬年

石刻

李師直

師直第進士元和中人

唐嵩嶽會善寺勅戒壇臨壇大律德塔銘

并序

詳夫金人應世迦維誕生玉毫騰耀於八方教法流
傳於此土三乘並駕五部齊駐澄混不雜者惟律宗
焉中有紹繼挺生者卽吾師矣諱惠海俗姓張漢司
徒之胤今爲河東猗頓人也七歲尋師于妙道寺精

持寶偈卽維摩法華一部自年逾弱冠具戒此山當
寺遂拔游二洛精研律宗前後敷揚約廿餘遍自貞
元七載奉勅臨壇傳教度人莫紀其數至貞元之末
情慕大乘伏膺於魏府門下精通楞伽思益搜蹟玄
微名貫三秦而數郡邀請匪度物之將倦而志居雲
壑者矣伏維和尚德重丘嶽釋門孤秀包綜三藏精
通一乘凜凜兮如方丈寒松皎皎兮似一潭秋月
若乃香壇康法得度者而數越稻麻親授衣珠者人
踰數百理應高懸仏日重耀昏衢豈期宏願未終化
緣將畢享年六十有五僧臘卅有九於元和八年癸

已之歲十二月廿六日示疾端坐念茲死生乃告門人言歸寂滅門人惟峰遍澄等隳裂肝膽聲悲涕流恨長夜之忙忙望靈儀而恍惚遂乃召以良匠罄以衣資卜于名山崇茲塔廡其塔也聳湧雲際稜層碧空左挾天中之古祠右俯玉華之壯氣前臨潁水之瀑布卻倚羣峰之屹聲彫白玉以爲門疊龍鱗而成質卽知匪其銘也無以彰五師之德匪其塔也何以表師資之孝誠余雖不才聊爲銘曰

玉豪隱耀兮西土三乘並駕兮東馳律宗委囑兮波離後有吾師兮繼之白雲起兮青山暗戒月沉兮世

界昏不知迷子何時悟萬古空餘鴈塔存石刻

李仍叔

仍叔字周美初名章甫系出蜀王房元和五年登第
歷官右補闕水部郎中宗正卿湖南觀察使太子賓
客

唐渤海王五代孫陳許潑蔡觀察判官監察御

史裏行李仍叔四歲女德孫墓誌銘 并序

女生元和乙未歲七月廿日亡戊戌歲七月十八日
於同州內城官舍來廿七日己酉瘞京兆府萬年縣
龍首鄉因聖寺佛閣西門之南地土連亡叔之墓風

接西瑩之松冀爾孩魂不怕幽壤銘云

姓李氏生崔氏聰明神光骨髮天祉言語未正自解
親親顧瞻溢彩顏色沉人走弄之間嘔吐生疾氣噎
深喉血流中質玄風潛吹元精不凝柔閑在抱呼哭
莫應既未及殤詎可等彭肝膽煥起無奈此情石刻

王禮賢

禮賢元和中試左金吾衛兵曹參軍

太原王府君墓誌銘

并序

唐元和丁酉歲夏四月廿九日太原王君終于平原
郡財城里之私第春秋五十八嗚呼哀哉曾祖諱協

祖諱志良烈考少恆咸獨韞當代俱有其才君幼稟
紳和長懷剴正藝應時出擅女媧之笙簧洞諧子晉
之音遠叶伶倫之妙鳳響龍韻宛如神仙故得奇伎
致身出入王族歷事顯貴垂三十年恭謹謙貞終始
若一雖滄于多智梅臯毓詞善戲謔兮無以過也方
將壽比靈柏何大寒而凋粵以其年十月五日卜窆
于都城西北五里原禮也夫人殷氏先府君而逝有
子二人長曰元佐次曰元祐女二人俱懷孝思逮至
滅性將啟舊窆祔于新封哀哉銘曰
蔓草蒼茫原邈迤王君令室窆于此雙劍一歸幾干

祀蕭瑟瑟風終夕起石刻

顧方肅

方肅元和中吳郡人

唐故趙氏夫人墓誌銘 并序

夫人姓趙望在平原祖歿年遠子孫絕嗣無人紀于後世之事今難序焉夫人父諱萱皇朝定難功臣官憲試鴻臚大卿先夫人三十年已前而卒夫人即先鴻臚卿之令女也笄年十五執事箕帚而適于楊氏之門如鳳之飛雙鳴相應周旋二十餘載而楊君寢疾去元和六年十一月終於京兆府長安縣閭闔之

肆殯金光門外小巖村之里墳塹存焉兒女九人皆尚幼稚孤嫠育霜露所哀追攀永懷哭對寒燼夫人尋患腰腳行李不逮雖坐禦家事猶慈和六親春秋屢徂容鬢衰改且貧無以爲節禮徇時宜鰥寡多猜迫以從事方再行于吳郡顧氏低迷四五年而公潔躬文字未達寓居中彭漢武初興之地矣夫人元和十四年七月十一日不起宿疾終於茲川以元和十五年少帝即位二月五日改號爲永新元年以其年歲在戊戌二月十二日歸窆于長安縣昆明鄉魏村先妣段夫人之塋禮也嗣子四人女晟文幹文暈

文昱等皆以哀號泣血匍匐仰天聯翩弟兄永失慈訓方肅以哀情所屬慮在幽冥刊石爲文記之於壙其銘曰

惜哉仁賢逝往中原揜瘞蓁棘親賓共憐愚夫撰銘買石彫鐫建記陵谷他時獲全林栖暮鷗隴慙啼鵑寂冪春墅長宵月懸浮生幻化五蘊虛假萬古悠然

千秋永夜

石刻

朱千乘

千乘元和中試衛尉寺丞

送日本國三藏空海上人朝宗我唐兼貢方物

而歸海東詩序

滄海無垠極不可究海外緇侶朝宗我唐卽日本三藏空海上人也能梵書工八體繕俱舍精三乘去秋而來今春而往反掌雲水扶桑夢中他方異人故國羅漢蓋乎凡聖不可以測識亦不可以智知勾錢相遇對江問程那堪此情離思遠增願珍重願珍重元和元年春姑洗之月聊序當時少留詩云

鄰交徵書

郭審容

審容字惟肖長慶中文林郎權知龔邱縣令攝中都縣令

更廟紀

穆宗改元之星鳥月走承府僉攝宰于龔邱既至未
遑恤于鰥寡而首謁乎先聖見祠宇崩圯土復身所
一邑之豕牛□□焉乎□其頑童駭孺恣以彈射田
夫里婦互進紙錢滴觴羅拜祝祉日之爲夫子神□
烏虜當天地之冥昧非大高□而罔照息禮樂之崩
黜非先聖卓立而莫振魯先聖之出也盍先百郡而
謹之胡迺先百郡而□隳之日用弗知以之行簡縱
氓俗之滯祀□簡之□義豈若是耶走退詳其事罹
方割之害闔戶爲魚者累累入开耳焉徵葺之猷身

惟艱矢乃□諭里客之名于籍者與夫里生之數于
學□殊音共詞不從厥志胥僉損服膳而卒修之肇
其載之季秋訖來歲之仲春繪素聖□□□十二子
列二十二儒環身產壁□之讚述如其國庠矣迨癸
卯歲之三日走荐承□□粵以竝缺五三載而積□
□移理之辭罔克允而來乎自龔至之日復首謁于
先聖祠宇崩圯猶復龔矣吁其甚者厥趾處一方之
震位□□□之隘陋傍瞰鬱蒼俯矚穢蕪里墉蔽其
前每周旋而通衢焉由是言之殆不若也矧先聖制
爲之地男女車徒之軌存乎目壤垣弗建傾棟弗扶

隳□弗繕曷以觀古人之象喟然復歎乃申元戎而
 更之度其身中撤屋而堂端□屏□□□于康在采
 章序列亦猶夫□龔矣於是又經北室為師儒函丈
 之所翔兩序為學者親師□□俾四方之潔己進修
 者咸處之而以藏息焉備歲貢于有司庶幾將來□
 □冈奪其缺七字 冀天下篤教敏行□□□先于魯也
 至若先聖□□德合乎玄黃昭隣乎日月敷如六籍
 非鯁敢稱今所紀者更而已矣石刻

元晦

全唐文七百二十一有傳

于越山記

直渚之北有虛檻釣榭由此三徑各趨所抵左指山
 隈右向之僧舍為寫真堂北鑿山徑由東崖茅齋經
 棲真洞而北史記云秦并諸侯以百越之地為桂林
 郡吳遣步騭征南刻有于越廣西通志

舒元輿

全唐文七百二十七有傳

承天軍題名記

有唐長慶元年秋七月趙人亂其帥宏正為下所弑
 我公奉詔率諸侯之師問罪冬十月師次於承天軍

十有二月入貴眾

下

天子下哀痛之詔

下

庭湊為帥

以息人也是月班師晉陽公命掌書記元輿錄其名

爵洎參佐將校凡五十九人刻於承天軍城西石壁

公有舅有弟自他府來有二子從行咸附列於後廿

一日癸未舒元輿題

畿輔通志引金石錄補

王化清

化清寶歷元年文林郎守端州司馬

遊石室新記

高要郡北十五里有石室詭怪萬狀崆峒其中發揮
靈蹤盤薄厚地皆神仙之窟宅為區奧之勝槩或有

巨石皆似蹲獸反顧疊化仰空的鑠瓊脂色如截肪

矣旁引危竅疑為洞門橫聳石床方次仙座西廂峭

壁之下有涵泉泓澄鏡色味輕瑤漿東西倚山之陽

二十餘里西通于上武林東抵于零羊峽時開元十

五年正月二十五日右遷陳州刺史北海李邕述石

室記列于苔壁懿乎寶歷元年秋九月二十日攝經

略巡官試大理評事權知軍州務賜緋魚袋博陵崔

公頴寮屬及將吏遊于茲室探討奇跡異乎幽蹤盡

日攀躋不盡高意化清時官守司馬得倍盛遊輒敘

鄙詞紀于前事

石刻

杜寶符

寶符憲宗相黃裳之子官河南府參軍

呂溫度支郎

中郎官石大和中朝議郎守太子少詹事上柱國新

興縣開國男食邑三百戶賜緋魚袋

唐故京兆杜氏夫人墓誌銘

并序

夫人京兆杜氏為名有日月矣自虞以還譜牒承
美揮翰於太史氏也閱周秦漢魏之書迨于革隋不
遠百祀而杜之嗣續官業有功于時者有名懾于代
者有負大人之材不伸於巖野者有詞清人標為縉
紳之淮繩者暨夫神堯帝天下文皇宅四海若室屋

之時賢相有翼戴之功推夫人七世祖也時封萊國
公名見史籍厥後隨聖業而代有煥於文學者夫人
曾大父諱含章任左千牛累贈鄭州刺史夫人大父
諱綰任京兆府司錄累贈尚書左僕射夫人父諱黃
裳任檢校司空同中書門下平章事兼河中晉絳慈
隰等州節度使累贈太尉外族李氏出趙郡封東祖
世有大官不書可認其業茂矣門風清揚有弟兄四
人皆服勤儒業姊妹五人舉其顯者由次姊適宰相
韋執誼外生有官于臺閣者夫人天錫明敏若非學
知罔究古藉而洞得淑態笄年適河東裴潏潏以門

子入仕歷官五任澣氏之有別也則涉河而東宜指
大山山突古墳松檟百里崗環勢止徙塋畿洛自得
姓以來代修儒業史筆褒之爲第一衣冠凡三世外
內皆顯名跡追封定謚爲琳瑯慕嚮澣之同氣周行
迭進澣之甥姪錯落文秀人不知澣之昭敘自爲闕
耳故不備錄也澣性謹厚志尙儒雅凡未識澣者見
澣之風度俯仰皆曰豈非碩德名儒之家耶由是人
十之七八具詞也澣曾官于河潼知華驛時屬河北
有師拒王命者持詔之臣往復軍師日之百數輩闕
溢館舍公食不足卽夫人罄其私室以備官須往往

寒衣不續簞食絕味慮澣之內愧以職公而不補其
家則假以他事而飾詞以相怡悅時家甚窘而禮義
富之適澣廿年生子九人長曰柁業擅兩經次及女
等年皆稚子志性甚高夫人享年卅七大和乙卯歲
歿于崇賢里僦宅嗚呼天施幾何何人鶴年餘馨尙
存吉人遺旨里閭爲哭親愛無生以其年十一月廿
九日權窆萬年縣寧安鄉杜光里時弟寶符追亡姊
之行止未編史策願寫誌石其文曰
高道浮雲雲散何尋德潤和璧其璧永沈令門正肥
青樓始構寂寞其生煒燁其後巖壁甚壯有時而傾

窮冬枯邊有時而精滄波萬里有時而田邱墟荒野
有時而城死楊空株有時而梯夫人此去永永無期
善惡莫分孰宰官冥夫人忽天蒼昊不知

石刻

劉可記

可記大和中鄉貢進士

大唐故王府君墓誌銘

并序

公諱從政太原郡人也其先歷代簪裾閒生賢哲祖
因官遂家於河南府版籍焉曾祖諱冰使持節諸軍
事守虢州刺史鎮居方岳位列雄藩弘化之美信孚
百城祖諱琳仕爲原州司馬名以孝聞位因才達國

華人望榮觀一時府君卽司馬之長子也至性崇禮
以奉宗祀感覆載之深恩戀晨昏而不事恭近於禮
以此爲美不失其親以此爲貴夙夜虔虔匪躬之不
逮恂恂於鄉黨愛敬盡於祖考協和宗族豈非福慶
而致焉於戲禍兮無跡生也遇疾殄流日臻百藥不
救人有斯疾天喪斯聞享年七十於大和四年夏四
月啟手于靈臺縣之私第嗚呼哀哉公弱冠之初娶
於河東郡薛氏卽故雲麾將軍之嫡孫也夫人夙承
善慶生自德門歸彼君子舍章永貞奉以舅姑流謙
自誠潔齋承祀善復勤勞儀爾芳名內外欽屬吁哉

天道言負賢能以大和九年冬十一月顧命手家捨其榮養公有三子長子元通次子元用幼子僧次嚴等並以溫柔克諧全諸孝悌慕風泣血遠象高柴知禮善喪豈唯顏子以開成元年歲次丙辰三月三日合祔於皇考故塋卽涇州靈臺縣東三里北原之禮也恐陵谷遷變刻于貞石銘之詞曰
 昭昭白日昊昊上天悲風松栢瘞於隴田功勳承代痛惜良賢□□□俄歸逝川白駒遄及日往月遷至□□□諒陰墨言四時潛運永乎祀年千秋□□墳所生煙刻

趙商

商大和中朝請郎試左武衛兵曹參軍

唐故平盧軍討擊副使銀青光祿大夫檢校太

子賓缺城郡開國男食邑三百戶劉府君墓

誌銘 并序

公諱逸字海其先彭城人也昔陶氏之後裔祖諱方缺羣孤標獨異公忠濟物勇略稱時終雲麾將軍試左金吾衛大將軍父諱元宗素蘊奇志早踐威旃親衛爪牙內外經歷終義武軍兵馬使金紫光祿大夫檢校太常卿公卽第四子也幼專詩禮長藝弓裘不

墜門風雅稱宗祖長慶初以鎮冀不軌醜跡彰聞元戎太原王公乃脫彼兇妖束身詣闕公乃親爲侍從共拔海墻殊節旣成眾望斯洽主上以太原公勳績超拔乃授義成軍節度使公卽行當俄又有除鳳翔節制公又親從旣至十年從事一旦無虧爾又有國命除平盧軍節使公又從至復署前銜時元戎自丁家戚將謀葬於京輦乃命公行事無纖大一以歸付旣達所務俄聞元戎寢疾卽星馳卻迴及到以至薨歿公乃號□發泣情不勝哀悲懷鬱結因茲成疾大和八年三月廿日終於青州私第享年五十有九以

其年四月廿五日吉權窆青州益都縣永固鄉之原禮也凋弓旣^缺施遶樹之能寶劍沉埋自有十年之氣公夫人清河孟氏晨昏號泣痛不可勝有子一人儒林郎試隴州沂陽縣尉曰澄秘兼居幾位已及尊親爲子之道斯之當矣慮其年代更易陵谷隕移爰刊貞石將期不朽其銘曰
江陸之才挺生於世毅勇相襲英謀斯□天何不佑降此禍殃質形雖滅其名永□_{石刻}

皇甫曙

曙元和十一年登第寶曆間崔從鎮淮南辟行軍司

馬開成中澤州刺史

金剛經幢記

余在髫鬣忽聞家人轉請是經□生受樂題曰傳□暗
記數行及長思之信有宿習自化寐至□□時念不
輟常願廣宣同志□□無窮今故刻石建幢永為供
養開成元年歲次丙辰五月七日建澤州刺史皇甫
曙石刻

宇文坤

坤後周介公元孫太陽子開成初官經畧隨軍將仕
郎試太子通事舍人

故銀青光祿大夫使持節溪州諸軍事守溪州

刺史鴈門縣開國男食邑三百戶上柱國賜

紫金魚袋田公誌銘

并序

噫四時有代謝人情有始終貴賤榮枯有生有威者
也然哲有忠貞者仕主之令名有節行者為人臣之
遠格夫處人天之極唯忠孝焉忠於事主可建邦家
揚于王庭可為人傑一而遂之則故田使君之能事
矣使君公諱英字英鴈門人也安平君之苗裔也其
先祖粉榆京鎬德寄黔中冠冕聯綿朱紫不絕烈考
王諱寅字官任黔州洪杜縣令秩滿□奏授光州司

馬上升國賞緋魚袋詢訪耆舊稱文詞綉練翰墨芳
馨道贊邊城化毗方岳挹王祥之美化得羅含之風
者哉太妣蘇性也武功之貴族也母儀有則貞淑可
觀德充趙括之親賢可王陵之母然古今有隔節行
不殊者哉公稟精粹之氣岌然天姿氣魄稜稜事君
竭節能展熊羆之任肅著瓜牙之威機變權謀人具
瞻仰又位分符竹宣贊六條政術多方化洽封部不
苛不擾愍恤惇發布政五溪譽傳巴楚嗚呼享年六
十有四良圖未展厚祿初霑自守郡城纔經二稔天
道恍惚時事多端悔愴吉凶陰陽莫測無何遘疾業

力無施運命所乖奄歸真宅冰容忽逝永弃明時一
代生涯千春已畢楊朱益泣墨子重悲以開成二年
丁巳歲暮春之杪二旬有八日終於西陽官舍至冬
十二月旬有三日壬寅塋于府城西南隅虎牙峰高
原禮也粵有節婦張夫人者則南陽張口君仙尉之
女也芳閨令淑婉婉貞明秦晉合儀調如琴瑟節偕
杞婦賢頗鴻閨者歟且鬻其服用資贍送終喪盡其
哀祭盡其敬一女特達立節忘軀大義克崇婦道之
本也有善不旌有節不錄何以激人倫而彰化本也
或慮山迴谷圯或市或朝主嗣莫分命余述誌余學

識淺劣承乏操文不揆管窺叨陳梗槩銘曰
偉哉田侯禮樂鏘鏘敦經閱史爲人紀綱公心翼翼
爲棟爲樑位分符竹惠化封壇亢龍有悔悲哉夕陽
千秋萬歲委骨郊荒

文王宰

宰懷州温人初名晏宰後去晏獨名宰官至河陽節
度使唐書附王智興傳

靈石縣記石

開成五年自隴州防御史拜工部尙書節制邠寧至
會昌三年蒙恩換許昌節至九月自許昌統當軍驍

卒洎河陽義成宣武浙西宣歙等軍兵馬充攻討使
誅除壺關寇嗣至四年八月十日梟逆首獻闕下蒙
恩獎寵除左僕射至九月將歸許昌軍次温縣天使
持節至又授寵詔遷鎮北門十月過此至會昌六年
上登寶位蒙恩加司空至大中元年奏以雲蔚朔三
州之腹爲賊喉要故戍舊封多所廢缺蕃寇奔突無
所限碍又相厥土濃壤可出軍口遂疏其利宜請立
耕戰三城募卒六千任其事務農習戰永斥邊寇克
富軍儲至二年九月秋成境肅上錄其功詔就拜司
徒宰以叨乖微効祗寄北都及今五稔日懼臯悔靡

唐文苑英華卷之八十一
盧從儉
遑非據遂瀝誠拜章乞覲明庭既蒙恩下允誠懇至
十二月十二日遂得祇詔擁節趨闕赴正朝聘之禮
至明年正月十一日又蒙聖旨獎加光祿大夫依前
檢校司徒卻歸本鎮至二月五日過此因覽其重巒
復疊積樹參差汾水迴平而潺湲天險蔽抱而崇固
可壯夫霸曷皇業萬代之基駐旆關亭吟睇移景又
觀中令河東公及相國令狐公左揆狄公相國崔公
來罷之題列遂輒紀其轉歷及往復所自云

金石續編

盧從儉

從儉大和中官朝散大夫行京兆府戶曹參軍

唐沔王府諮議參軍張公墓誌銘

并序

王者制國立文武之訓招選茂異命百執事其於興
禮樂陳教化式繫乎文禁奸慝刑暴亂必資乎武分
鑿並驚癡一莫可其有器識通濟則兼用之該二事
者今得之於張君矣君諱侔字侔其先北地貴強族
也曾王父捫巖皇平州刺史大父瓌皇龍峒節度邢
洺觀察使邢洺生道晏皇左散騎常侍兼御史大夫
涿州刺史皆風格奇偉洞究韜略張皇戎律宣布朝
經延慶後昆濟美不泯公卽涿州第三子克荷前修
不隕厥問始自齟齬已若老成抱忠勇果敢之姿仰

祖宗勳重之業而乃飾以書劔勵其鋒銚公之先舅
司徒高公每所歎重司徒公諱霞寓嘗隨族父崇文
平劍南西川寇難論功第一徵拜衛將軍尋授振武
軍節度使又轉唐鄧邠寧慶等道節度使入備爪牙
出膺藩翰揚歷雄鎮威重當時以公孝敬忠勤可一缺
字戎事而曰吾之宅相其在爾乎因推頰哺之恩委
以牙門之任歷職既缺官秩累遷皆著能名顯赫
中外既登朝序克揚休聲方振翻於九霄忽埋魂於
重壤天平不慙嗚呼哀哉以大和三年八月十一日
終于沔王府諮議參軍年四十四識與不識聞風慨



然憫公之有其才而無其時也夫人清河崔氏清門
淑德婉婉聽從有合盻共牢之思無齊眉偕老之業
撫棺誰訴塊然未亡有子一人曰憲郎種孺未立呱
呱以號公之內弟右衛威將軍扶卽司徒公之元子
也含風雲然諾之分撫孤雪淚感平昔指使之恩爰
悉家財式護窀穸以其年十月廿三日窆于萬年縣
崇義鄉南姚里蓋從宜也且曰陵谷靡常將識泉戶
乃以銘文見託感其義故抽毫以應之銘曰
於戲張君文武兼才業廣運促遄歸夜臺風烈則在
精魂不迴淑人如此彼蒼何哉龜筮叶從宅兆將託

晴河天曉寒郊月落風淒薤露塵隨總幕度城關兮
逶迤闕音容於泉壑石

李潛

潛官嶺南西道觀察支使

見錢珣行制

尊勝經幢後記

先考故綿州刺史李君封樹前尊勝真言石幢之餘
石嗚呼潛罪豐酷重邁大禍殘喘未泯以及今日號
奉安耐如斬之創鉅痛無所解聞西方教有尊勝真
言可以福薦神道是用購集鐫刻謹立於封樹前一
步冀清淨塵露之語上為冥祐下則微蠲終天之苦

既訖功宜具年月日幸佛語之刻有餘謹梗槩崩圯
□□於此嗚呼潛生薄祐在襁褓先妣元夫人弃世
外祖母崔夫人憐而育之命甚微而能活年七歲外
祖母又歿乳媪提挈方獲侍先君於本家繼盧夫人
憫其幼孝撫愛如己生先君親授詩禮每訓之曰吾
冀爾異日能□策名進士古人揚名顯親爾知之乎
潛其時雖稍駭佩斯訓不敢怠自後侍車遊宦勤遠
役歷星歲無惰業以至就鄉里貢亟不售先君益導
勵其志逮會昌癸亥歲始升名太常第既成事歸觀
巴西郡先君撫以泣曰吾□□代稱文儒爾自此當

謹嗣素業矣即退實思調集得祿以充養天奪其志
 酷禍荐及孤危餘氣艱棘難全時猶引息潸泣以思
 似續之重既自蜀護奉歸洛京由荊州啟先妣以至
 遂安耐於河南縣金谷原大王父太常府君塋之東
 北六十七步若先君志行盛業先妣懿德門風具在
 鄭州刺史李公褒所撰石誌今不敢以荒穢鄙語上
 黷先德嗚呼天何不仁重毒單子之苦同氣皆早世
 願經杖隻影則茹荼以備祭嗚呼聞西方佛拯世用
 大悲法至於窈冥不測之際潛有望尊勝真言之功
 助祐玄遠於是頓顙出血染翰就石此石有泐同極

之痛與天地無極謹紀 唐會昌四年歲次甲子十

二月己卯朔十九日丁酉孤子李潛泣血長號書石刻

李栖元

栖元會昌中東川節度左二將檢校太子詹事上柱

國隴西縣開國侯

造像碑陰記

施水犍牛五頭行營職掌所由身官健子將等共花

見錢口拾阡文又缺三生口贖廢大雲寺地每年收

租子充此潔齋前件牛並合定缺四士之缺六發

願施口堂便充缺七值利充二時齋附水口常住供

養并字缺三阡文贖莊布施日後如有人隱欺字缺五僧齋當受百牛字缺三不出字缺六李栖元謹白

貞觀口許刊文又解三主口觀張大漢等

蘇水幹十五題行營輝華佩由良官對千

因調西縣開園苑

酥示會昌中東川積氣五二一制解於太平曾事士封

李師云

八民日限賦十六日丁酉歲午李帶並血具難齊

唐文續拾卷五



唐文續拾卷六

榮祿大夫二品頂戴前分巡廣東高廉道加四級臣陸心源輯

常表

全唐文四百十有傳

謝冬至賜羊酒等表

臣某言中使某至奉宣恩命以至節賜臣者聖旨頻降榮賚過優以周官百品之珍載頒其實雖魏臣五熟之釜豈容其多受賜踰涯拜恩失次臣出自孤微素常貧苦食不滿腹竊誠修身且祭不揜豆飯惟脫粟昔賢之美其儉可師敢望豐盈重彰尸曠而雨露

唐文續拾 卷六
偏施歲時益榮俾奉先之饗味兼陸海合族之宴甘
及膏粱又沐深慈下霑中饋以感以慶啟處難勝無
德無功慙惶罔極

謝勅書賜臘日口脂等表

臣某言中使某至伏奉某月日勅書并手詔勞勉臣
等兼賜臣衣一副臘日口脂紅雪一合中和尺一貞
元八年歷日一通陛下道邁古先德動天地凡於一
物必寄聖慈欲臣襦暖憚褻故衣裳是賜欲臣除去
人患故良藥下霑欲臣永駐衰容故馨香流潤新歷
方啟慶昌運之無窮彝尺辨才審度量之不昧力微

賜重捧戴兢惶臣無任踴躍之至

謝勅書賜臘日口脂等表

臣某言中使郭昕至伏奉手詔并賜臘日口脂紅雪
貞元九年歷日等拜受怔營不知所措臣某中謝伏
以玉散降於仙官金膏流於祕藏含芳咀味覺六府
之和潤骨凝膚改三年之觀況復惟新聖歷受朔齊
人稱慶戴恩倍萬恆品不勝踴躍之至

謝勅書賜臘日口脂等表

臣某言中使吳千金至伏奉十一月九日賜勅書手
詔存問臣及將吏百姓等自天渙汗徧施穉孺普及

纖細歡呼未暇聖念再加老幼捧恩感動肌骨又以臘日將及賜臣紅雪口脂各一合貞元十五年歷日一通跪啟緘封榮抃相集伏以方傳上仙藥成中禁卻老除患妙絕如神嘗所聞知豈期親授況階冀候朔晷度不差蒲柳微生又膺天歷恩波逾重跼蹐難勝不任感恩荷聖踴躍之至

授孟子周太子賓客刺

勅聞匹夫之愛其子者猶求明哲爲之師賢善爲之友而況於羽翼元子賓游東朝非舊德耆年孰副茲選前守光祿卿騎都尉賜紫金魚袋孟子周詞藝飾

身端厚居業歷官中外休有令聞人推君子之風朝治名卿之目副子求舊咨爾誠明勉修諷喻之詞以俟元良之德可守太子賓客勳封如故

減放太原及沿邊州郡稅錢制

門下朕思三五已降誰能去兵文武之道參用爲理況以寡昧獲承丕構環四海九州之大子圓首方足之多一夫之疾痛必軫其憂一士之忠勞必思其報一風一雨之懋候必申其所祝一士一役之橫費必念其所來業業兢兢如卽深薄雖興兵動眾非予素懷而伐罪弔人有國常憲干戈一舉飛輓是勞緣路

徵輸指期朝發耕夫不遑於隴畔織婦有輟於機中
 予之疚懷豈忘終食頃以虜騎犯塞王師戍邊今以
 潞寇阻兵靈旗指境一作晉始無虞於塞北復有征于
 山東勞者未安居者遽擾一作甯逸蓋不獲已且多懼焉
 念其徵發師徒道路供給地素貧徧物力已窮今欲
 及徵秋稅之時宜有蠲免用布慈仁之澤冀為疲瘵
 之醫免副曲恩永安生業其太原管內忻雲汾代蔚
 朔六州振武天德及河中晉絳陝沿路州縣今年秋
 稅及地頭錢宜放免河南府亦是供頓往來道路比
 晉絳太原卽免編并其沿路畿縣及河陽汜水縣秋

稅地頭錢量放上供一色其合留使留州錢物各委
 本道觀察使且放欠額數聞奏當與商量於戲朕君
 臨萬方子育兆庶務將去害豈謂佳兵上天鑒予立
 功福善仁聞掃殄其樂清平未聞之心憂愧而已凡
 百多士宜體朕懷閩刊本

李吉甫

全唐文五百十二有傳拾遺卷二十四

請修天德舊城奏

伏以西城是開元十年張說所築今河水來侵已毀
 其半臣量其事勢不堪重修若別築新城所費殊廣

計其人功糧食及改屋宇比及事畢不下三十萬貫
錢此但計費猶未知出入之處城南西卽爲水所壞
其子城猶堅牢量留一千人足得住居天德軍士合
抽居舊城豈可更居版築虛棄錢物若三城是國家
盛制仁願舊規亦須得天德添兵然後有人修築按
天德舊城在西城正東微南一百八十里其處見有
兩城今之永清柵卽隋氏大同城舊理去本城約三
里已下城甚牢小今隨事宜置仍本天德軍額北城
周迴一十二丈高四丈下闊一丈七尺天寶十二載
安思順所置其城居大同川中當北戎大路南接牟

鄒山南又是麥泊其地良沃遠近不如天寶中安思
順郭子儀等本築此城擬爲朔方根本其意以中城
東城連振武爲左翼又以西城豐州連定遠爲右臂
南制黨項北制匈奴左右鈎帶居中處安誠長久之
規也尋屬祿山有事子儀留老弱于此城身率大眾
河北討賊爲賊將宋星星所破縱火焚燒遂移天德
軍永清柵別置理所于西城只緣添兵未得且因循
併在一處力所不足實非遠圖臣久訪略已計科約
修此城不過二萬貫錢今若干天德舊城隨事增飭
因有移換仍取城隸于天德軍別置使名自爲雄鎮

以聲勢可警殊隣元和郡縣圖志卷四

請置飛狐錢坊奏

臣訪聞飛狐縣三河冶銅山約數十里銅鑛至多去飛狐錢坊二十五里兩處同用拒馬河水以水解銷銅北方諸處鑄錢人工絕省所以平日三河冶置四十鑪鑄錢舊跡並存事堪覆實今但得錢本令本道應接人夫三年已來其事即立救河東困竭之弊成易定接援之形制置一成久長獲利又卷十四

請涪州仍屬黔府奏

涪州去黔府三百里輪納往返不踰一旬去江陵一

千七百餘里途經三峽風波沒溺頗極艱危自隸江陵近四十年眾知非便疆理之制遠近未均望依舊

屬黔府又卷三十

李紳

全唐文六百九十四有傳拾遺卷二十八

唐政博陵崔氏夫人歸祔李府君墳所誌文

夫人博陵崔氏祖璉父緯以貞元丙寅歲移天從于李氏先府君禮也府君以元和庚寅歲終于無錫縣私第以元和丙申歲歸祔于白鹿原夫人以大和甲寅冬十月十五日終于越州觀察使之官舍春秋六

十有九夫人無嗣子有女子一人已出也嫁于河東
 裴達達亦先霜露孤女歸我與弱子苑苑先祖母夫
 人兩日疾終開成戊午歲春正月啟夫人於梅李與
 歸缺二北苑歸其裴氏大墓夫人合祔于先兄奉禮
 府君缺二秋七月既晦乙酉合封禮畢夫人柔淑謙
 順之德詳于府先誌嗚呼夫人有姊妹五人而鮮兄
 弟先兄娶夫人而無嗣子夫人之女子適裴氏一子
 中殤以亡崔李裴三氏皆絕胤豈天乎不知皆陰隲
 耳銘以誌言用符玄室銘曰
 奉禮清德夫人淑儀廿五載和鳴婉隨諧彼瑟琴終

無祿住家食是肥荆釵自貴商庸有偶伯道無嗣歸

缺三字 嗚呼永祕石刻

李德裕

全唐文六百九十六有傳拾遺卷二十八

甘露寺重瘞舍利記

有唐大和三年正月二十四日於上元縣禪眾寺舊
 塔基下獲舍利石函以其年二月十五日重瘞藏於
 丹徒縣甘露寺東塔下金棺一銀棺一錦襪九重皆
 余之施也余創甘露寺寶刹重瘞舍利以資穆皇之
 福也江浙西道觀察等使兼潤州刺史李德裕記蘇詩

施注引玉壺清話

柳知微

知微大中中朝議郎前行京兆府富平縣尉

唐故穎川陳氏墓記

陳氏諱蘭英大和中歸于我凡在柳氏十有七年是非不言於口喜怒不形於色謙和處眾恭敬奉上而又諳熟禮度聰明幹事余以位卑祿薄未及婚娶家事細大悉皆委之爾能盡力靡不躬親致使春秋祭祀無所闕遺微爾之助翳不及此無何疾生於肺纏綿不愈以大中四年十二月三日終于昇平里余之

私第年四十先有一女曰婆女五歲不育今有一男曰貂蟬年未成童卽以其月十一日葬于長安縣永壽鄉高陽原慮陵谷變遷失其所在遂書石紀事置諸墓門云爾

李仲文

仲文大中時鄉貢明經

唐義昌軍故衙前將守左衛朔州尙德府別將

員外置同正員賜上騎都尉劉府君墓誌銘

并序

名望彭城于來久矣貞乎遠代世傑殊倫府君諱士

弘字士弘始祖門前晉時坐而待旦臺閣風生自威神揚色不可犯征南將軍元海之苗裔也皇考諱幼平字幼平家本薊門世居幽莫干戈之際避地斯焉奕葉傳芳胤流滄海德高匪仕縱逸雲林以山水爲善隣以琴書爲良伴逍遙自在可爲世仙全而歸真古今罕並府君則公之季子也少懷明敏上智天生言維經邦信必通遠志可櫟直行無回邪公稟職軍門四十之載統更水陸二十餘年常履春冰毫無秋犯謙勞自德不止喧囂松筠不易於炎涼誠節益彰於寒暑方將鵬搏霄月驥展遐龍孰謂杞梓秋摧琳

瑯寒缺公因少理寢病俄乖二豎忽止於中霄兩楹奄之於長夜春秋七十有二大中元年四月廿九日窆於浮陽城東南御河之際蓮池坊之私第嗚呼天將擇善哲其亡乎夫人田氏當年從眷禮請皆賓謂鈿鏡而長懸其餘永保親斯存歿覩晝如霄情同日月之一虧心等江河之半竭顛容索髮氣絕聲沉化石摧城將未比矣三從不墜於古今百行甯乖於閭里班姜可及曹孟齊隣端處凶幃血淚相繼嗣子長曰友亮仲曰友慶季曰友義次曰友忠幼曰友幹等五子號慟萬眾嗷然感愁雲之遍生得弔鶴而咸集

絕槩七日耳目血流哀戚過情荒迷似性以大中元年丁卯歲十月癸巳朔十七日己酉宅兆於滄州城東北五里清池縣界茂林鄉王賓村之私第古原神埠之崗禮也恐年代改易陵谷推遷刊貞石於泉垆永為不朽者矣乃其詞曰

公其令胤嘉聲自振好道清修謙恭恪慎其既忠於國復孝於家豈期穹蒼降斯禍澤二福成兮將託大運兮寂寞月照兮泉門風生兮夜壑三逝水湯湯野田茫茫星移月落地久天長四古原兮其來歲月將久新墳兮平川松墓口龍虎兮日夕盤商子孫兮

千年不朽

其石刻

閻周彥

周彥咸通中幽州節度要籍宣德郎試太常寺奉禮郎

媯瀛莫三州刺史閻好問墓誌

中丞諱好問字子裕其先河南人也以咸通十四年仲夏月二十五日即世於媯州官舍壽六十有四蜀巴西太守芝三十四代孫二十三代祖冀州刺史鼎皇貝州長史試大理評事諱昱嫡孫禰諱晉皇不仕妣扶風馬氏漢宮大練蜀郡白眉之洪胤也會昌中

燕帥贈太尉蘭陵張莊王念切重甥特署衙職功因破虜官奏憲階心務廉平志尚章句莊王嫡直方以戶部襲位情娛弋獵性樂微行常以謹言維持嚴於宿衛莊王猶子德輔潛祈大福陰構禍階爰從東弟直臨正寢乃被堅執銳從辰泊申威掠前鋒血盈左脅戶部遽選名醫始獲痊復明年冬諫戶部吐以血誠請覲龍闕時台席白公敏中俯察邊勞持論半刺宣皇恩詔授宿州司馬故天相梁園李公宗閔弟宗珣守埆槁之日神驚陟屺望切倚門故府燕國公以揆路師臨之時乃遵舊歧遐歸故里署爲幽都縣令

俄授幽府錄事參軍纔振紕繩又委邊壘授安塞軍使咸通初奏侍御史又攝納降軍使奏御史中丞地臨朔漠位亞竹符燕國公遐察字人試其巡警授節度都虞候有誰何之譽副旌榮之心又授都押牙遠付專城實蘇邊俗授媯州刺史未踰朞歲授瀛州刺史今府僕射以貂蟬統戎之際推以新恩難膺舊秩授莫州刺史踰數月授幽府司馬以督察殷繁遂其閑逸重臨媯泃再治舊疆府師僕射哀慟存亡迭爲贈賻卽以其年仲秋月廿八日厝神於幽州之軋十里高梁岸南保大原先夫人尙氏合祔先塋之左今

唐文續拾 卷六
夫人彭城劉氏卽莫州唐興縣令諱箴道之幼女也
淚灑朝晡痛無甯息有子六人長處暉討擊副使次
處庸未筮仕次處實討擊副使次處玄慕釋宗次大
端次小端皆童女二人長適幽州討擊副使張從
嗣已先凋天次躬莫州鄭縣主簿劉震燕靈王顯胤
二歷典午四改分符馴雉一遷烏臺三上賞文舉之
座慕元禮之門少遠暗膏慕遺清白周彥幼遵面訓
冠乃山居書讀素玉躋遷青綬深竹林之蔭已僅四
十年痛松戶之期未盈一百日徵其自敘規乃韋班
敬述家風樣傳潘陸慮渝岸谷薪折松楸收淚何窮

含毫直敘銘曰

胤從周室嬪榮漢皇巴西剖竹冀土分疆爰自河南
裔歸蓊北名標隼旟位昇熊軾崆峒秀峙碣石壯臨
平原後聳棗水前潯棋木風悲泉庭月皎望斷塊封

永安宅兆石刻

馮元度

元度咸通中人

西方龕記

述曰嵐飈旣振吹大塊而監入維闢闔乾坤方覩二
儀缺退影之方太白光其中昭矩統其位惚現化剎

獨以極樂標缺虧短之患恆保解脫之樂人皆身口
意淨狀同七寶之池累一百蓋遊口便爲八德口
口運吹聲傳般若之音人鳥和鳴鈞點合苦空之曲
寶幢崑崙花蓋范我珠網玲瓏樓臺隱暎斯則極樂
世界之口事也中有教主號阿彌陀佛唯佛也至尊
之號唯法也理盡無遺之稱常以一法化人位分九
品之差觀行多口數口十方之異口念成就便得往
生於上品盡報受持定證補處之最尊斯則阿彌陀
佛方便之力也觀音奉旨傳揚於南瞻部州那至口
口常在他方世界昔有國大皇后字口提希棄寶位

則願坐於金蓮厭口影則求證於法口於口卹便證
口口之口須臾之間特放五毫之相斯則教法之力
也今有弟子馮玄度幼懷遜悌長有英稱儉約循身
孝儀苦節母李氏惠和口口柔順天生庭之儀範不
虧葛藟之詠常奉母告子曰人居幼境孝義則資素
王之禮至於請福延齡須憑諸佛之力遂乃育玉刻
貞石而爲佛像綉優填聖主鎔金範素於旃檀今有
北巖靈境宜寫西方勝事於其中母子傾誠遂召良
工利穎纔施初疑彌勒下生事畢功成忽覩四方世
界造者無非尅銘表別辭盡德廣謹勒於贊中贊曰

太極之功万境寂默二儀位定八方表則西之一境
 蘊善儀或佛居其中秋容岐嶷蠲滅八苦滌蕩六□
 教流南贍念佛為德觀音□□潛運神力應天順人
 □啄無忒檢念成就便生淨域鑄造供奉其功最極
 金字題名□功紀德令名轉麗榮貴万億石刻

郭崧

崧咸通中鄉貢明經

藥師像讚 并序

粵有東方去此佛刹恆河沙彼國大師厥號藥師琉
 璃光如來經云以白銀琉璃為地宮殿樓閣悉□七

寶亦如西方无量壽國无有□也此藥師琉璃光本
 所修行菩□道時發心自誓行十二微妙上□令一
 切眾生所求皆得慈如是崧等思火宅之難想無依
 倚遂說論鄉人恃平內典頓悟迷津遙相誘化至誠
 結願方會無上之因各以捨財不怙與道齊通迴心
 堅貞奔馳於此立召良工彫磨斯像使信士等日加
 精勤時無懈怠用功計日備矣莊嚴具相真如恩布
 之容禮者福利無疆念者禍灾永滅自茲懇願國祚
 永返朝賢無缺元戎布德澤潤生靈牧宰常安人民
 鼓腹龍神后稷潛佐人天風調雨順國泰連綿施主

唐文續指 卷六
邑人等生生值佛世往往唯聞解脫音德垂後裔令
望古今乃祖乃父世篤忠貞子子孫孫引無極也復
願幽冥先亡早離三塗內外姻親咸登法會時屬咸
通貳載歲臨辛巳九月壬申十五日丙戌用表成功
以明著矣洞徹空宗志謂斯文

巍巍堂堂光振遐方恩霑草芥蠢動令康賴者必副
魔弃郊荒自茲永泰萬國咸昌其一善哉善哉禍去福
來英人哲人捨食捨財以懷多福法門常開願生彼

國長處蓮臺其二刻石

澹麟

麟咸通中朝議郎守太子詹事柱國賜緋魚袋

范陽盧君妻京兆澹氏墓誌銘

予娶潁川陳氏生夫人即予之長女也口夫父諱口
官至國子博士贈散騎常侍伯舅諱修古亦由口官
歷復郢二州刺史皆以背碑覆局得名故夫人自幼
少知書敏悟得中外之風和淑爲搢紳之表大中五
年予掌白馬口書奏遇范陽盧楨遂妻焉良人守士
風居覃懷一邑無趨名利意故居止茅茨食止藜藿
而夫人與之同此曾無一日萌不足意始初逮事先
姑每進殮粥未曾不躬親調味以取適口噫女得婦

唐文續編 卷六
道斯謂全矣咸通十年五月遣一介至京師招國荒
居詰其故曰盧氏夫人被病不救矣生子男三人男
循父教女承母訓可謂大其門矣母兄融官任宣城
令子素達死生之理況當衰邁之年乃遣單人口備
情禮嗚呼哀哉其銘曰

生有歸得婦道母儀沒奚悲盡修短之期窮辛富貴

口如斯難素期刻銘於石寘泉扉

修武志

魏深

深咸通中鄉貢進士道州軍事推官

書李當事

公嘗自中書舍人乘廉車問俗湖南他日宣皇帝注
意急徵值公南風中足不克見久之乃有金貂之拜
洎足力如常除戶部侍郎尋出尹河南移宣口鎮褒
斜靄然龔黃之理爲天下最士君子莫不延頸企踵
日望霽然爲口口霖雨先帝知之拜天官氏歲餘除
尚書左丞於時奸臣竊國柄凡以直道事主不附於
已者悉去之由是出牧於道道人比歲陽九之災山
民蟻聚爲賊且起三州之兵以翦之於是公以書先
諭而招之洎到郡之日則遣使以逆順之理告之禍
福之門納之不瑩尺刃而山賊革面皆得保生生之

唐文續編 卷六
福耕於野而歲再稔道人由是不聞夜吠之犬今則
四凶已去元口用之請書其事敢爲前賀時自道移
申及此拜口得歸西掖咸通十四年十一月廿五日
魏深題石

蕭琪

琪蘭陵人

河東節度高壁鎮新建通濟橋記

粵茲雄鎮實河東軍之要津封接蒲城當舜夏墟口
舊地有關曰陰地有亭曰鴈歸固晉川之一隅通汾
水之千派金流洶湧林麓森沈東控介巒西連白壁

峯巔萬仞壁峭千尋足食足兵有威有固則代郡鴈
門何越之有至若駟騎星馳華軒雲湊往返駢闐者
皆中朝名士悉憩駕於鴈歸亭未嘗不題藻句紀年
代也西南松門洞豁逕通千里巖巘隱映口輪礮者
居焉口暝遺運者眾混流箭激不可渡之雖有葉舟
過者懷疑或覆溺谿人或駐滯遊子凡經渡者咸有
咨憤之詞伏會兵馬使清河張公領是鎮初有關城
居人百姓等偕詣柳營請剏建長橋以導達津阻公
挺旉人表導全禮樂器兼經濟才爲時生深惻隱運
良籌允所陳而召節級僉曰吾北離旌榮南過斯軍

唐文編拾 卷六
致舟車不便眾有蹙容胡爲關河字人矣遂請當鎮
咸通觀音院主法大德普安口勸口輩結聚青鳧兼
自減月俸以咸通九年戊子歲五月九日興良工政
綱條畢能乘時逐便自利出材勉爲甘言賞勵短匠
不日畢成是橋長一百尺闊一丈五尺下去水四十
尺規置門屋立鑠鑰安華表柱俾闡者潔嚴掌轄署
其名曰通濟其南南有古之魯氏石橋雖名揚寰海
而通濟之義莫大茲也由是自華亭鬪虹樑飛鵲腳
架雲棧迴朱檻化蟬竦於洪波騰華鶴於朱戶炳煥
方面蓋以壯皇家天外北門之咽扼耳曩者亭際中

流有怪石蹙浪聲砰轟若雷霆震而不息兩堤人口
辨其言音狀有蛟螭潛處其下居者嘗虞罕窺其禱
咎公以建橋之日奠餼酒祝之其聲頓止是口口規
風振俗兆應昭彰故得磊落妖聲潛彌水府以表我
公之勳業巍巍乎愚才非敏達得不紀口殊績載綴
斯文用刊貞石是十三年壬辰四月十五日紀金石續編

鄧暗

暗咸通中攝資州錄事參軍

造觀音像記

弟子攝資州錄事參軍鄧暗自去年三月九日到官

遵守教條匡持眾務自以耿直爲事翻遭猾吏加誣至五月廿九日命停務暗仰祈陰騭下燭無羣因發願奉爲相公及當州使君造二大聖金采睟容煥乎圓備果蒙如訊口監深寃至其年十月十七日蒙相公迴垂仁鑒俾復本官若非聖力所加安得無移舊貫今者因齋慶讚口表丹心爰口十聖以彰靈應時咸通十四年歲癸巳六月八日記石

沈懽

懽咸通中鄉貢進士

國清寺止觀堂記

嚮者我大中七年九月十日有日本國大德僧法號圓珍俗姓殷自扶桑而來抵于巨唐福建旋適五臺復止天台國清傳西域金人之教我師幼能拔俗剃度出家以慧鏡內明戒珠外朗作昏夜之燭爲苦海之舟誓願維持三乘妙理以彼方尙闕此土可求俄拂麻衣飛玉錫至遊歷此寺數換星霜陟華頂之峯禮大師之迹此地自會昌廢圻之後大中恩旨重興佛殿初營僧房未置白衣居士經行而曉泊浮雲青眼沙門座定而夜棲磐石師乃瞑心起念言發響從爰得郢人伐幽林之檉栢丁丁之響朝發南山落落

唐文續抄 卷六
之材暮盈北塢妙運斤斧長短得規巧引繩墨曲直
成準功不逾月其如化城翬飛而彩曜庵園勝槩而
光揚鷲嶺以十年九月七日建成矣法師卽住持此
院苦節修行以無爲心得無得法遂挈瓶錫告別東
歸卽十二年六月八日矣有趙郡李處芳名達爰來
告愚與師有舊東望雲外空增浩然仰梵宇之寬斯
其功莫大乃命予實錄其事唯慙不文咸通二年五
月十日記 日本隣
交徵書

李儉

全唐文七百八十八有傳

幽州大督府兵曹參軍陳君墓誌銘

皇唐甲子四周歲在丁丑夏四月甲戌陳君沒於府
城之肅慎里越月景申晦葬于幽都縣禮賢鄉之平
原惟君孝達於神祇悌流於鄉黨信稱於朋執業著
於官曹惠施於危亡文形於述作自束髮至啟手足
言絕浮僞行無玷缺爲學不勌濟物不匱皆章灼炳
煥不可備舉其迴出人者今得書之執親之喪頭蓬
不櫛面垢不饋負土成墳必自己力殘形埏埴之間
寄命晷刻之際泣盡繼血五周天星府縣旌表簪裾
高尚雖從仕進抱終身之感焉蓋人之難能後有從

唐文續拾 卷六
事韋雍死於亂鋒琴瑟併命老母弱子拘諸佛寺音
信不通樵蘇不爨君與其弟遊慊若已咎瘞其遺骸
慰其口蠶晝乞州里夜餉殮饗進思吏訶退憂室謫
後詔訪遺類官給葬事亡者免飫於烏鳶存者復歸
於鄉井名教感其仁豪傑尙其義此又難之尤者繇
是傑聞善價汪洋郁烈翔于道路動于公卿於是羣
賢推轂元侯授簡年過強仕方從命官釋褐授檀州
參軍非其志也俄改幽州安次主簿管護軍表疏府
換署府兵曹滿口重假前任職業聿修聲華日美方
期大用遽踈修途春秋五十有八府主痛惜聞于上

公贈賻有加軫悼踰等平生交友如斷手足相與扶
服禮如葦功甯止慟於寢門而已君諱立行字晞顏
昔周武封帝舜之後於陳國縣於楚派支于燕代爲
前人祖輝父從皆養志含口學而不仕娶河東柳楚
女有男子女子各一人並在孩孺長兄良貴口其葬
事君之伉儷韋氏之出韋氏又予之出也本矜慎配
遽此稜口撫存悼亡刻石納隧銘曰

烏虜陳君人之良錯綜四科及五常孝旣至兮節旣
彰名卓著兮道逾光神默默兮天茫茫宜福而壽反
禍殃妻弱子幼兮行路咸傷一閉佳城兮地久天長

唐文續抄 卷一
迥拔乎萃實爲世濟其美口不乏賢昔荀氏九公大
誇晉室楊門五組獨耀漢朝方之寵榮諒有慙德況
公宏才博識應物知機洞教化之根源導生靈之骨
髓內足以闡提聲教翊贊謨猷扶社稷之洪基外足
以戡定戎夷恢張土寓壯皇王之大業始者褰帷問
俗露冕觀時頒政事於六條頽網盡舉播威聲於十
郡異化斯彰且楊震懷金徒爲克慎胡威賜絹未曰
清貧弃無益以功成賤易物而民足刑期不濫劉寬
何貸於蒲鞭信及無私郭伋詎慙於竹馬由是西臨
朔塞北拒胡塵或刁斗晝驚或烽煙口起雖軍兵示

勇壁壘爭雄而蜂蠆難防犬羊易擾公乃增崇雉堞
克濬池隍頒月俸以具口糧伺農隙而興畚築量功
命日慮事庀徒楚令尹以立沂城方之未重趙宣子
之臨晉國比此攸輕而又創修馬軍營別立防城院
當講武論兵之地實曰訓齊在夸戎耀狄之秋何妨
致備沈機內設妙畫斯彰蠹修廡以連雲敞橫軒而
對日文櫬牙映藻井交分旣大壯於軍威亦允陳其
師律至若武賁鬪盾鐵騎友翹森鉞棘以霜攢聳口
輻而岳立精而養銳習以程功連營懷缺七射雕之
勇頃以苗螟作厲菜騰興災致比戶以流離當數季

之耗竭加以橫征重斂

缺六字

須何嘗曠日公乃大

敷仁愛深軫疲羸一年而俗阜時康再歲而家給人

足自然

缺五字

雨知期隴多合穗之祥川有還珠之媚

市無易賈農不遷業將畏愛以兼行在恩威而畢口

高樓口口口貨賚而如山廣陌長衢沸歌鐘而若市

既庶且富極樂無荒昔爲獷戾之邦今作繁口之地

邵父杜母口自前聞羊字賈名仰爲虛稱市老口謂

曰夫百姓不能以自治是立君以治之明君不能獨

治是爲臣以佐之口公之賢其孰能繼誠歎詠之不

足遂贊呼以無窮

缺五字

隨羅尼幢在開元寺上以光

昭懿績次以顯答休恩是宜刻石傳功垂文著美將

依妙法式贊嘉猷且釋氏廣慈敬之門開緣果之路

慧燈長照法海前流三十三天共給青蓮之會百千

萬佛咸觀白馬之經況妙盡雕鐫功窮篆籀肇擎鳳

舉似倒龍宮鳥跡虫文如窺貝葉晴峯迥映便同靈

鷲之山曉木傍臨宛是祇陀之樹莫不金龍護助寶

刹莊嚴增壽劫於恆河布福田於淨域天長地久將

垂不朽之功萬古千秋永保無疆之慶讚曰

巍巍我皇膺圖受命挺生間傑匡時翊聖百氏丹青

九流龜鏡四岳惟賴六條斯正理若祗平心如口靜

剛以觸邪直不容佞人惟愷樂境絕紛爭獷戾懷柔
惇嫠遂性襦袴興謠倉箱起詠爰崇妙法用答良因
奇功既就眾願斯申規模盡妙彩飾如神千花互映
七寶交陳慈雲布雨慧草留春祥煙入座瑞鳥迎人
童艾歡呼而塞路齋壇戒潔以清塵將垂懿範永勒
貞珉唐廣明二祀孟夏九日記石刻

郭筠

筠乾甯中攝涿州錄事參軍朝議大夫前行漢州綿
竹縣令柱國

蜀先主廟記

夫燕之南第一州曰涿涿之郡城雄峻山水清奇人
戶殷繁農桑茂壤凡爲牧守必假賢明我太保彭城
王蘊翼聖之沈機抱安人之妙算舉□三略動應六
韜秉千里之戎麾持三方之相印以其郡□郡之最
必當慎選其材乃命使持節涿州諸軍事守涿州刺
史兼永泰軍營田等使諸縣鎮護鄉保勝攻討都指
撫使檢校兵部尚書兼御史大夫上柱國婁公牧之
公自莅是州敷和氣以應天時布惠澤而叶地利遂
得餘糧棲畝朽粒盈囷唯聞鼓腹之歌頓絕分糜之
歎是以封疆畢葺壕寨咸修人播謳歌事成容暇致

其險固皆自指揮邊烽無偵邏之虞武率有縱橫之
備論奇功則韓彭未是較至理則龔黃不高揚歷三
州撫綏一致遂使鄉閭相慶皆謠謠太守之恩寮吏
交歡悉感口使君之德仁覃遠邇道洽隆平況龍章
鳳姿有叔夜仙中之趣瑤林瓊樹多夷甫塵外之儀
政化之飭訓練之暇凝神珠頂注意玉毫每分祿俸
之中以補伽藍之闕俾得蠓飛蠶動皆沐蔭口甘雨
和風自叶冥禱然後衙庭公署成華麗於指蹤月榭
雲亭創新奇于心匠至于僧庵佛寶靈跡神蹤或一
經遊皆謀修飾丁巳歲仲春月因薦奠於蜀主歎其

年代綿遠席貞荒涼棟宇欹傾透風霜于几席簪纓
零落雜塵登于珠金欲再修崇曠于故實乃命札使
曰顯其先主懿跡俾得世人咸知爾宜爲之無所辭
也筠簪組微流軒墀末口口口塵土但愧賤毫徒懷
雀躍之誠叨紀龍飛之地捧承嚴旨誠謂斐然夫膺
天誕聖應運披圖未有無殊常之徵而無口特之兆
者分日口口口口月魄以騰輝星律口口口表慶
此皆明於史傳不接見聞唯先主姓劉氏諱備字玄
德涿郡人也端啟奇業言符法駕遺芳尙在傳異無
窮景帝之金枝靖王之玉葉口口口蜀國中興世

以陸亭失侯而家涿鹿後因三訪謀臣而獲臥龍祖
父雄父弘世仕州郡孝廉官至東郡范陽令先主少
孤其母販履織席爲業□□南角有棗生高五丈
餘遙望憧憧如小車蓋往來瞻矚咸謂當出貴人時
先主與宗中小兒戲于樹下自言吾必當乘此羽葆
蓋車及長大意氣不羣形像出眾人皆奇怪共許絕
倫不樂披尋□便馳騁既留心於音樂仍致意於衣
裝身長七尺五寸垂臂下膝顧自見耳少言語善接
人負不羈之才富寬和之譽薦歷艱計方叶霸齒至
建安廿六年四月卽帝位於成都武擔山之南章武

三年夏四月昇遐于永安宮時年六十三謚曰昭烈
皇帝洎乎南征北伐時屯運泰載之志記略而不書
以冠劍□□陵祠宇崇於故里甘皇后配享於神
座之中諸妃嬪圖形於旒展之後孔明孝直股肱皆
列於東廂關羽張飛爪牙悉標于西廡威生戶牖武
耀庭除北□向高仙之台常連紫氣東窺海神之窟
遠讓清風當外境之要衝爲郊原之勝槩春祈冬賽
非獨功並於舜祠選異搜奇抑亦事同於禹跡今則
百堵俱作一夫不勞殿宇精嚴□□必于神□肅
□之者自以□永爲涿水之光輝常作燕南之壯觀

昔以為無廟名人皆口呼姓諱而久創之牌額用以
曉示口蒙若以昭烈之題又慮不詳故實口蜀主之
庶所貴易革俗風皆因創制之良規敢漏僉度之妙
道其於軍州寮使文武官口具載於文期於不朽時
唐乾甯四年九月五日刻石

王雍

雍口口中濰陽人

口口口題名

濰陽王雍聖欽郎中李愔義行之自邠並駕投館慶
壽將期于新平宜祿境上閱眎危磴以通行役因獲

四覽山川氣象之雄而旅懷吟酌有釋羈恨時忽雲
晦雨作禽鳥盡棲殿閣半空上下閭然信市口而不

口山下石刻

楊宏

宏唐末將仕郎守大安府大安縣尉

重修三郎君廟碑

泰山巖巖鎮茲東土宗長列嶽峻極于天天降明神
而缺天齊王即其主也郎君即王之子也別有廟宇
畫丹缺之音變化無窮陰陽不測年代浸遠靈異彌
彰周環缺藻稅之文塑像圖形乞靈徼福未有不如

響之應聲者缺難遂罄俸錢建立碑碣怪異事蹟無

不具載頃歲以藿缺石文字錯亂磨滅不可復知近

有工人追琢翠珉訪尋缺申使府請詞以紀其事留

後僕射瑯琊王公樂善好文稽古博雅久安祿位缺

寵光初臨是邦方思普理纔聞其事欣然慰懷上欲

副聖君敬神明之心下乃資生民祈恩福之意遂令

虛薄缺

上羣嶽之長東岱之雄天孫建闕下山左金石志

高諷 諷天祐中節度巡官朝請郎檢校尚書口部員外郎

侍御史柱國賜緋魚袋

太師中書令北平王再修文宣王廟院記

若夫厥初生人人不能自治必維天降聖而治之則

太始太素之古將口興起而莫之知洎乎容成大庭

羲皇口口之世缺六之上以虛靜恬淡治其下下以

抱質悅天奉其祀及歷唐虞時更三代當淳離朴散

口口樂刑罰而治之至周道中微乾綱不振皇靈屢

口論侵伐為橫流懷譎詭為常道君臣父子之禮憊

缺一人王霸之政致暴亂無象羣雄力爭萬口分缺

字王口口由是天降宣聖拯斯墜典缺二時艱難

揮至教體合造化道均覆載弘用不極仰之彌高與
 天地合其德照洞無際智周萬物有缺一必鑒無得
 而踰與日月合其明抱春生夏長之仁定陽開陰閉
 之紀正五氣分三統與四時合其序索隱洞冥知微
 知章變化無方玄覽無始與鬼神合其吉凶有德無
 位志在垂訓立百王之口軌為千載之士師遇此周
 衰載揚魯道宏敷典禮顯正國風故入其國其教可
 知也行詩教則溫柔敦厚行書教則疏通知遠行樂
 教則廣博易良行易教則絜靜精微行禮教則恭儉
 莊敬行春秋教則屬辭比事是知缺一上缺一聖德

實為教父所以和君臣順父子定人倫莫上於儒且
 歷代王者唯蒸嘗之禮隨而絕之獨以素王區宇之
 內聲教口在莫不備俎豆腥熟氣臭而不絕享薦焉
 則天地口長久則知至德三子之言明矣是時也復
 遇守文不篤中原蕩析鍾皇運之百六值四海之尋
 缺二道紛紜口武缺一熾禮樂由是道汚儒宮又滋
 枳棘屬今遇太師令公太原公應辰緯之純精稟口
 之秀氣天骨特異研道知機太史羣書口有不缺一
 字宜愷悌教行禮樂寬惠足以愛人貞正足以威暴
 遜讓足以協比德操足以垂範人洽其缺一降大和

德教充塞功敷動植固出口歧洽穎之秀即德及口
 福也馳素翼霜毛之產即德及飛走也八風不姦十
 雨順晷即德合覆燾也其將必忠士必銳即德及軍
 旅也耕者擊壤缺一字一者行歌即德及黎獻也況仁被
 昆蟲澤覃幽顯不可備得而稱焉蓋少明其大略也
 值此四郊多壘痛毒元元天未悔禍八崩厥角余以
 隄封不聳邑里底尋非我公獨以詩書禮樂化人成俗
 則何以見興儒導訓變風變雅當俶擾之運行鄒魯
 之道俾鄉黨之間復缺一字二之風焉且以先師廟昔日
 大中歲范陽盧公仗鉞東山因命再葺以今之去范

陽公又六十載顧時雖未久而摧朽攸深今所餘者
 唯列序舊基脩廊遺堵矣公曰昔者夫子救亂世拯
 頹綱垂五典顯七教敦忠孝博文行為人靈之大訓
 于今治國之道昭昭乎為化之本缺一字使夫子之寢
 廟不能庇於燥濕即何以行其道忘其本能無愧乎
 於是乃命步軍都虞候王超經營僦土揆時度費集
 劊劊積榱楠匠石口口口役畢萃乃於天祐十三年
 七月十九日始修正殿取規大壯綺棟交聳繡栱橫
 飛藻梲沉沉璇題灼灼煥乎華構肅然清廟所以火
 藻龍章備若魯堂之貞桓珪穀璧簪如沂水之賢棟

唐文續拾 卷七
宇輪奐象設咸備閭闔列侍翼翼有容次葺三禮堂
覽之見歷代禮備矣次創齋院以爲釋菜三獻修齋
之所次修學院及特建講書堂以俟近思切問之士
次列長廊廣室以止青衿橫經之子然猶於范陽公
前所製置之外復添建堂室至多則夫子之廟宇大
備矣時未周星百工咸畢夫如是其聖人受命賢人
濟時口立儒之教唯聖人行儒之教惟賢人卽魏之
文侯漢之文翁豫章之學臺南郡之缺一皆於治平
之代師儒行教豈比我公當茫茫九服幅裂豆豸屬
茲多難光揚丕訓啟迪文教而行夫子之道化人修

夫子之宮勸學者哉校斯盛美復冠前史顧惟鴻口
允昭永代諷幸參幕吏實愧謏聞奉命紀石以旌不
朽時天祐十五年歲次戊寅四月癸卯朔廿一日癸

亥建

石刻

羅袞

全唐文八百二十八有傳

櫛門銘

有序

前惟王者之義無所不正或得賢以反國旣作枕杖
二銘以風復念時人歎於自修卒違善及禍或侈滿
不能長嗣因亦銘諸櫛銘諸門以勸

櫛銘

而有髮旦旦思理有心焉有身焉胡不如是

門銘

金樞玉鍵何足牢止盈修德後必昌

邛州志

張昭

全唐文八百六十四有傳

題寶鞏詩後

鞏囁嚅詩一何神妙恨此少不見其集聯珠之最也

戊戌歲中元前一日夷門旅舍書潛夫

寶氏聯珠集

按戊戌歲為晉高祖天福三年

韓建

拾遺卷四十六有傳

辭揣摩時政得失告諭藩鎮奏

昔先皇帝幸蜀都之日陳敬瑄守鎮錦城過恃寵私

多所參預所以遠方觀聽物論諠然臣豈敢遵彼覆

車同其濫吹至於隄防道路拱衛乘輿夙夜在心是

臣之職

冊府

王仲父

仲父梁乾化中人

王中 小蓬萊題名

壬申秋社日主簿顏志道尉楊子章同觀主張義之
到是峪水聲寒玉山色迷靄深得仁智之趣觀夕陽
忘歸是日濟北王仲父題

山左金石志

利郤

郤後梁端州刺史

清泉禪院鐘款文

第子節度左押衙充府牆池內外副指搗使并都教
練使銀青光祿大夫檢校尚書右僕射使持節端州
諸軍事守端州刺史御史大夫上柱國利郤去天復
二年十月廿三日鑄造洪鐘壹口重壹阡斤於清泉

禪院供養永乞爵位高遷家眷甯謚此時設齋慶讚

訖久未得題號今專差匠人周匡往鑄字開平五年

六月三日重記

廣東通志

蔡曙

曙梁貞明中同禧觀察判官朝議郎檢校尚書兵部

郎中兼御史中丞柱國賜紫金魚袋

新修南溪池亭及九龍廟等記

沙海之北溱沮之陰有地外阜而中均對山而近郭
廣狹所□□有餘囊括百物之容崛起形勝之質
藏奇隱怪實天設焉按梁載言十道誌云馮翊縣東

南口里有泉九穴同流卽此處也唐咸通中太守王公龜爲理之暇以其遙瞰蓮嶽葺亭而名之庚子年大寇犯關遂至燼滅乾甯歲連帥口公瑋再營斯構兼立龍祠塑貌不嚴榱桷草創雩祀止容於舉爵牲牢莫展於加籩棟宇雖存纔庇像設而已邇來亭沼堙毀舊跡微留敷政事多無力及此鞠爲藜藿二紀有餘我太傅武昌程公佐命於經綸之始竭節於草昧之初許國漢礪盟勳過庭乃萊衣承慶一門之內四世同榮位高而愈見謙和功顯而略無矜伐昔韓侯拜將家不待於問安紀隲養親官不聞於列戟古

今倫擬未有如我公之盛美矣加以禮賢而曾彰此節寬仁而不怒翻羹爰自璧田主留仗鉞斯鎮下車而隣無不睦攀轅而人尙去思時屬兵火初銷里無完室戎馬所及野有閑田先條薄賦之科次諭恤刑之典簡靜而每容小過廉平而唯舉大綱先以惠養復逋逃次以繕修嚴雉堞廩食足而武備斯壯民瘼除而閭里自康湯湛濬溝突矗金壘孜孜四稔急務皆周一日謂都監尙書及副車司空諸從事曰此所闕者宴賞之境矣遂親選勝槩爰及斯地乃命都指揮使劉敬德左靜安指揮使丁約已下及元隨都押

衙員建付以營口之謀示以製置之略繇是剪蕪穢
築基址疏三池啟八亭制度悉有平等差岸澗各分
其涯涘或延薰風而滌煩熱或面大野以豁襟靈口
罷搖九曲靜分其洶湧雕費未曉三峯已顯於嶙
峴然後再廣龍祠殿添鴟尾口關創設環口遍修廡
分拏攬之形離立鬼神之將並新彩繪表裏坊塲造
匠匠之長廊引前後之簷廡室分胙傳盃之地廣三
酌萬舞之庭兼以羣口輻湊眾派同流若暑雨暴飛
狂波突至不先有備必貽後憂別開斗門俾其通注
式減連山之勢免興捧土之譏諸將盡稟規繩一無

漏略而又遠移蘘芟多放修鱗虵盤而磴道緣崗蛻
鬪而雙橋夾砌列植五千餘樹爲圃三百餘畦若榴
與桃李分行椅梧共杉松間色高檣藉雪方灑落於
嵇康翠帶按煙學雍容之張緒莫不眾盆共擁一溉
無停紫牙暗換於陳根綠幄別添其新葢蓼辛蘭馥
各自任於天和夏實春榮都不知其移致大興口鋪
纔啖三旬夔然殊勝之功化出神仙之境有香皆納
無奇不呈愜目暢心不可譚悉緩季鷹之歸思堪釣
鱸魚資山簡之勝游何須習沼樂就而眾皆稱善悅
使而人不告勞至於犒賞所須材石之費悉自清俸

圓融一無擾於州縣若夫花光月燭之時促席汎舟
 之興口肩疊跡舉白飛觴岸幘醜顏遊人相顧而言
 曰此是壺中天地洞府春光又不知白蘋菴畫溪復
 何如焉噫王公始作而未究其妙李公繼踵而罔盡
 其工豈非天留盛事要顯我公之心匠乎陳留蔡曙
 獲預賓席奉命而實錄其事口心入詠夢未驗於神
 傳篆貝屢辭妙有慙於祖德貞明三年丁丑歲春三
 月二十七日記石刻

李彥賓

彥賓晉天福中人

石香爐記

隨使押衙李彥賓有願造石香爐壹口口者伏為與
 父司徒離缺有虧參勤遂啟丹誠口此功德願早父
 子相見事官清吉合家安樂永無哉若天福八年九
 月日記石刻

許九言

九言周顯德中朝散大夫試大理評事行秦州成紀

縣令兼監察御史

故鳳翔節度使秦王贈尚書令李公楚國夫人

高平朱氏墓誌銘

并序

粵若衛人興詠莊姜推賢德之名周道克隆文母預
 功臣之數豈不以開開叶美灼灼摛華彰懿範於一
 時飛英聲於千古自天鍾秀何代無人則我故楚國
 夫人之謂也夫人梁祖裔孫冀王長女王卽帝之長
 子也諱友謙字原空處親賢之地力贊經綸當禪代
 之時首分茅社初司留於陝服後節制於蒲津旋屬
 季弟臨朝嗣君失德懼奸臣之搆亂思轉禍以昌安
 觀三氣於晉陽瞻烏送款求援師於陳寶插羽論親
 果因協比之謀克就中興之業書諸信史載在豐碑
 母燕國夫人張氏生本將家稱為賢婦贊梁室惟新

之兆宣王門內佐之風國人咸賦於鵲巢帝澤遂封
 於石窳夫人之兄並蠅頭學瞻鯉腹書精爰從問禮
 之庭皆未專征之任貂皮蟬翼裝冠冕以臨民虎節
 龍旌擁貔貅而制敵或登壇於左輔或推轂於許田
 三戟交門萬石當世先秦王素稱霸業奄有開畿四
 海仰之為真人諸侯奉之為盟主後秦王以地居家
 嫡任在股肱方作翰於回中兼握兵於岐下五綵百
 兩親迎有期納吉問名御輪無爽結援甯同於鄭忽
 捧匭孰媿於懷嬴夫人誕自皇闈育于朱邸幼則謝
 公庭際詠飛絮以稱奇長則齊主宮中破連環而震

唐文續編 卷七
譽言足以中規矩行足以睦宗親才足以助彌綸智
足以辯邪正德是具美歸于令門致允叶於一方非
尋常之四德蘋蘩筐筥無違祭祀之儀絲竹宮商洞
曉鑑鏘之妙始號高平縣主改封楚國夫人祖爲帝
而父爲王兄爲相而弟爲將夫乃霸君之子身爲賢
王之妻享富貴而無雙治閨門而有法嗟乎青天甚
遠痛借老以莫諧隻翼堪傷抱沈疴而不起未畢三
年之制已縈二豎之災兼之以盜據城池公行剽掠
因茲駭愕遂至彌留大漢乾祐二年己酉歲六月七
日殂于鳳翔府私第享年五十一權殮中堂之奧室

有子一十三人曰永熙永吉永義永忠永幹永榮永
嗣永浩永勝永嵩永固永載永濟女七人長適蘭陵
蕭渥次適高陽許九言次適供奉官趙返祚次適左
龍武統軍趙匡贊次適前鄜州節院使焦守珪兩人
幼而在室穎川郡夫人蔡氏中郎遠裔太守名家叔
隗黨來我則推賢而讓善孟子云卒此乃繼室者何
人且以骨未化於重泉時已經於一紀痛心疾首叩
地號天大周顯德五年歲次戊午正月原空日用大
禮葬于岐山縣鳳棲鄉附秦王之新塋也昔日鳳凰
之卦式叶同心此時松檟之墳別封偃斧良有以也

何足道哉慘行路以若斯閱英魂而已矣九言門館
 下吏儒墨承家偶趨上國以立身幸忝眞王之擇聳
 今則方拘十室無由伸臨穴之哀雖奉八行不郝乏
 碎金之作多慙漏落勉副指蹤同憚斐然強爲銘曰
 帝王之子兮王公之妻富貴莫二兮今古莫齊智可
 照奸兮才堪助理行必合道兮言且中規金石絲竹
 兮悉窮其妙織維纂組兮罔違其道柔良內積兮無
 爽和鳴賢善外彰兮式謨窈窕顏如薜英兮未及中
 年痛彼殲奪兮遽邁沉綿不醫不卜兮願從下土有
 始有卒兮庶叶終天郡號辛勤兮率勵諸子菲食薄

衣兮送歸蒿里英魂烈魄兮宅此佳城萬古千秋兮

識茲名氏石刻

劉從父

全唐文八百六十有傳

按從父王彥超辟掌書記顯德五年朝議郎試大理司直

兼殿中侍御史

修府衙記

缺以序四民之業故曰強不缺致壽昌藏文顯用已

來漸成奸詐眷言缺職四海澄波當闔外之罷征念

關中之待治缺甸斯地也今稱盛府昔號名都黃圖

赤縣缺綺錯里閭星繁臨高乎翼張守要而襟束缺

道往來資糧屣屣之饋治煩按劇非缺靜勤身以致

力困事以制宜鏡懸而遠取四缺後甲每出令以風

行今袴昔襦聽徒謔而響合缺温所以致其附剛而

斷所以滅其私寬而栗缺樹其仁而恤隱絕其利而

革邪引義以正其身缺美曲盡其能比夫黃霸米鹽

細民受賜李崇桴鼓缺語哉於是急務皆臻葺年盡

化嘗以府衙本文昌缺亭祀寢遠棟宇傾頽因周覽

疚懷不怡終日且日缺高張提八校而正軍容備九

牢而迎缺需于歡有司決具獄之寃裨將展屬韉之

禮雖迴缺字荒階畧無完緝寒來暑往但恣因循乃

命度方缺於舊趾聳崇構於新規危簷靄若以雲橫

大厦歸缺棟虹舒見暫勞永逸之謀見經始晷終之

義觚稜缺奐翬飛見府城之改觀加以不貪為寶以

缺之高封不輕稼穡耀缺絕歌堂舞閣之歡屏飛蓋

照棊之樂匪開謀政無缺之儀形作缺叨依缺三千

雖塵接武鐵錢十萬敢謂憐才奉命直書俾刊缺將

來時顯德五年歲次戊午九月一日記石刻

安審琦

審琦字國瑞其先沙陀部人歷官至平盧節度使封

陳王舊五代史周書有傳

請射莊宅奏

臣近於莊宅營田務請射到萬年縣春明門陳知溫莊壹所涇陽臨涇教坊莊孫藏用莊王思讓莊三所營田依例輸納夏秋省租逐元不管藺林桑棗樹木牛具只有涪莊舊管田土一切見係莊宅司管屬欲割歸縣久遠承佃供輸兩稅伏候指揮

金石續編

李瑩

瑩周顯德中登仕郎試大理司直河中護國軍節度掌書記

栖巖寺新修舍利塔殿經藏記

蒲城東南十五里抵中條山登山復五里屆栖巖寺隋武元皇帝藏舍利之塔廟也邇來因時因事或廢或興具諸僧史此不復載我國家以聖繼聖武功成文德修恆思駢天下蒼生於富壽閒其術在於擇長吏而已丙辰秋八月詔今府主太尉移北庭節度鎮於蒲蓋北庭之能政聞于天而蒲之疲民渴于理也一之歲省案牘有節目不利於政者咸去之二之歲訪井邑有風俗而無益於民者盡革之三之歲千里之地遠者近者公者私者熙熙閑閑各遂其所屢欲揭碑表於九達之衢以揚府主之化理府主極詞以

止之然方有暇於宴遊出處用示其成政也已未春登中條憩栖巖山水形勝盡於歷覽顧謂寮佐曰今之化人能令終夕之間佩服道德者甚爲難事佛之垂教使无量劫出生死海登菩提岸較其功德實懸天地而或縱其湮沒其如何哉嗟乎佛之像貌去世逾遠其所遺者有舍利在今塔廟圯毀訖爲平地我將表飭之佛之言行箸于經文今依山架龕嵐氣腐潤匪朝伊夕磨滅無睹我將嚴護之於是搜材索匠揆日僦工始則構高楹闢大字乃壯乃麗軒如翼如所以覆舍利也中則斲榱桷布龕室乃金乃碧輪焉

奠焉所以藏經文也觀其宏敞之狀固密之功雖歷承劫無驚崩之憂次使眾生有歸敬之地論者曰佛之大教囑于正人事立則民敬民敬則福生福生則清淨之緣結矣今府主以是福力興斯善緣復聞以少香少花一句一偈者猶獲福无量而此覆舍利藏經文之功諒百千劫中永爲供養豈不以是法力助府主之福歷百千劫之後如是者哉瑩幸預賓階實聞時議況承嚴命因敢直書時大周顯德六年歲次己未九月癸卯朔九日辛亥稽首謹記石刻

殷周廣順中顯陵守當使

蜀國夫人尊勝幢記

伏聞至理希夷視聽罔能究其極真場幽邃知識無

以缺二源斯可謂鑽之彌堅磨而不磷於戲我佛教

演三乘是開方便山摧五蘊拔彼牢籠以像相策初

心以色聲誘迷類觀質勤奉稱一方而缺一善道聆

音省察持一句而滅繁殃而或洞展慈光高燃慧炬

仗缺二於大士尊勝威靈拯異生於眾禽塵沾影拂

殊功莫大曠古傳休墨塵之缺一有窮清峻之猷無

盡今有顯陵司部蜀國夫人崔氏缺一縻宮闕事歷

繁難競競則夜寐夙興惕惕則臨深履薄頻更興廢

惻愴徒增缺一身世之缺一念宗缺一之無託缺一是

口僧口哺匠石鐫文預缺一之因自作全收之利敢

冀堅牢藏衷他時無隱缺一幽遠冥間異日有證明

之瑞紀由敘事和缺一時大周廣順二年歲次癸丑四

月辛亥朔二十一日庚口建石刻

汪少微

少微吳順義中處士歙州人

歙眉子硯銘

松操凝烟楮英鋪雪毫穎如飛人間四絕

東坡雜說

吳懷恩 蘇州吳縣人南漢內常侍進開府儀同三司常帥兵北征盡得蒙桂宜連等十一州之地時稱善戰者以懷恩為首

感報寺銅鐘款文

維大漢乾和十六年太歲戊午閏六月庚辰朔十六日己未弟子萬華宮使桂州管內招討使特進行內侍上柱國吳懷恩鑄造鴻鐘一口重五百斤置於梧州雲蓋山感報寺永充供養上資當今皇帝龍圖永固聖壽萬春謹記

廣西通志

夏侯氏

夏侯氏唐初東鄉同安之妻封臨清郡君

謝禮葬東鄉將軍表

妾夏侯言伏奉今

缺

夫懷慕口及亂

缺

者口奉命取

今十一月十一日禮葬訖禮光逾舊

缺

之仁妾之塵

微何幸今日未亡妾夏侯謹奉表陳謝以聞死罪謹言

石刻

神智
 長壽中僧
 造象記
 詳夫安居三日未下神儀道樹六年尙隔靈軌是以
 三千刹土百億大王各寫真容僉慕聖跡口如來之
 相好四八無虧工妙質於荆山三千具足神智私祈
 覺力遂感玉裕姿星彩同嚴日暉圓口夙願克成口
 符靈相口一方口善非涇壑所遷六度居心非江淮

唐文續拾卷八

榮祿大夫二品頂戴前分巡廣東高廉道加四級臣陸心源輯

神智

長壽中僧

造象記

詳夫安居三日未下神儀道樹六年尙隔靈軌是以
 三千刹土百億大王各寫真容僉慕聖跡口如來之
 相好四八無虧工妙質於荆山三千具足神智私祈
 覺力遂感玉裕姿星彩同嚴日暉圓口夙願克成口
 符靈相口一方口善非涇壑所遷六度居心非江淮



能變報同指掌義無差惑比邱神智上為聖神皇帝
下及師僧父母一切含神法界有情咸沐此因俱昇
仙果大周長壽二年歲在癸巳七月十三日神智記
石

慧忠

山陰冉氏子為僧居南陽白厓山肅宗徵入京大歷
十一年卒人稱南陽忠國師

般若心經序

夫法性無邊豈藉心之所測真如非相詎假言之所
詮是故眾生浩渺無窮法海汪洋何極若也廣尋文

義猶如鏡裏求形更乃息念觀空又似日中逃影茲
經喻如天地何物不從地之所生諸法唯指一心何
法不因心之所立但了心地故號總持悟法無生名
為妙覺一念超越豈在繁論者爾

金石續編

肅然

建中時河內龍興寺僧

窄澗谷造像記

庚申之歲唐建中元年二月十日河內龍興寺僧肅
然先天寶十四年冬至乾元初頃遭艱難所願蒙大
悲加備至大歷二年春發願不坐僧房不食常住不

同僧私養頭陀出居於窄澗谷口魏太平寺千佛巖
下住經一十四年方召得口工敬造阿彌陀像一龕
今已功訖用答先願上奉為大聖文武孝感皇帝聖
躬永壽帝業恆昌州縣官寮常居祿位師僧父母常
保安樂過往先亡願神淨土十方施主法界眾生同
登覺道石刻

道邃

貞元中天台僧

付法文

比丘僧道邃稽首頂禮天台大師竊以法王出世一

音演說機感不同所聞蓋異故權實之義接於諸部
大小之文森然殊流要其所歸無越一實故曰雖示
種種道其實為佛乘又曰開方便門示真實相喻之
以眾流入海標之以不二法門自他兩得同詣祕藏
此經所由作之所以雖洎鶴林滅而法網散神足隱
而宗殊塗不若只是得一心三觀而取證如反掌而
一言一心三觀者本體不生能離因果常住不滅遍
一切處當知天真獨朗之一言本來所具之三諦也
三即一相亦非一又曰非異一相一切相相即不相
即不相即非相非無相故此謂一言唯佛與佛知一

切法教本一切法義中一切戲論息也雖名一心不通義理雖稱三觀不及毀讚是以經曰諸法寂滅相不可以言宣又曰諸佛兩足尊知法常無性佛種從緣起是故說一乘說一心三觀只在斯一言而已於是古德相傳曰昔智者大師隋開皇十七年仲冬二十四日平旦告諸弟子曰吾滅後三百餘歲生於東國興隆佛法若有感應先呈瑞靈則一法鑰投空倏忽而入空舉眾雖慕瞻終不知所屆云云而今聖語有徵矣遇最澄三藏不是如來使豈有堪難辛然則開宗示奧以法傳心化隔滄海相見杳然其持物慧

同會龍華大唐貞元二十一年歲次乙酉二月朔癸丑十五日丁卯天台沙門道邃付日本國最澄三藏日本隣交徵書

至禪

元和中僧王藥藏等造經幢讚蓋聞佛本無形假有形以起信法離文字獲文字以全真佛頂尊勝經者昔三藏佛陀波利見妙吉祥封墅甫山口穀水有清陰素流之美卽河南縣金谷口之地勝人蕃邇迤百家皆崇十善聚五郡孰

不欽諾社錄呂秀等悉心福門皆嚮熟王君之聲矣
早歲寫經畫幡今又建隋羅尼石幢刻經咒之口王
君等各願合家清吉支離遽還五穀豐繁四時叶序
時有唐元和六年辛卯獻春景申朔十五日庚戌
帝城之右洛莞之傍魏封之里信心爲良結社延慶
奉賴我皇儻斂金帛堅茲經幢石刻

淨觀

元和中零陵寺僧

此是南山石揭來造井欄留傳千萬代永結佛家緣

盡意結功德應無好壞口同霑口福者超於口界口

維唐元和六年歲次辛卯五月甲申朔十五日戊
戌沙門淨觀于零陵寺造常住石井欄及石盆水充
供養下泐十二字惟大侶二字可辨當是題名

道明

元和中壽陽楞伽寺僧

壽陽縣大樂山重修古楞伽寺碑記

楞伽寺自古有之元和中僧道明遂見此寺破口眾
人所請爲國崇修及諸功德并造神碑一所以記之
切維大唐之治天下也紹堯舜之風重釋迦之教皇

風枝於萬國佛法垂於三千其有敬之者福生修之者果滿何以知其由也覽異記云周昭王表瑞之年至聖降生西域漢明帝肇帝之歲法海東流道明所恨生逢於佛後沉淪於苦口錫巡於五臺清涼聖境朝禮靈巖之處神光百變夜觀苑煌之聖火艷千燈雖不見大真身願沐慈光從茲有願晏坐林間得邑中信士王龍張珙等於麻八之歲禮請留住此山乃登毗雲林俯瞰幽谷固侈奇狀殊異眾峯其山也礮礮磅礮接五口之兩崇崩嶷巒巒倚九天之一柱朝參暮禮了達善緣是以理與心明素非仁智之流豈

能皈向如來而重修此寺哉寺名古楞伽者金園界畔而明也東至峯神廟西至礮石山南臨上馬平北據默峪澗此寺之四至也發金之地猶徧以廣其規斬崔嵬之山砌石爲階旬日乃成然以樑架長空屋成平地疊軒廊以口崖疊層坡以堯峩丹柱煥赫兮光映朝霞寺虛清極兮晶含夜月四眾回向三縣歸依敬禮三世諸佛及諸功德尊堂口等蓋法無生滅位列生人自屋自居此山此向俗年八十有七成斯功德以彰不朽之名所有造碑功德宜勒於石上祝聖壽遐昌唐王永久握乾風以鞏萬邦來驛貢以朝

萬國仙觀神山永鎮無疆故記 大唐元和六年歲次辛卯六月甲子朔太原府壽陽縣大樂山古楞伽寺住持道明口立石刻

國威

長慶中成都府沙門

佛頂尊勝陀羅尼幢記

蓋聞三光有象燭萬物而可尋大地分區鼓陰陽以挺埴宣尼闡五常之大則忠孝君親玄元立自然之宗設無為之化雖不言之教理缺因心所期苟有恤人之志而況吾師正覺成就神通事顯多門開祕密

教摠攝口藏統御十缺可隨平施財生靈口等缺佛

頂尊勝陀羅尼矣加以傍生擾攘家影觸而惑苦頓缺

身不受口利恨空來而無益悲往西方文殊申誨

勸以殷勤喜得東夏自是而後勝口之相興焉或標

之以四衢或建之以迥野非定方所弘之者人畿亭

異隅捨布金之缺知人天之淨界非遙迴換口足指

之口有苦神策都虞候侍御史史公公氣直而方志

柔而剛不吐不茹逸盤根而必錯寸陰是覺睹片善

而克修乃與摠持社邑人司缺力檀施聿建茲幢公

等一結真侶三口體口歷寒暑而松心自貞更變移

而石席口卷或青鳧見捨或轉乞傍人缺國為家刊

乎貞石冀滔滔巨福逾法界而無窮聖善遐敷與天

長而地久國威不敏見託為文心以表言直書其事

時大唐長慶甲辰歲十月莫落十二業記石刻

義林

大和中內供奉三教座主安國寺賜紫沙門

尊勝陀羅尼幢記

瑜珈論有十支一曰高建法幢支幢以高缺玄契可

以震攝魔魅驚駭神鬼滅除障累增益勝福由是波

利宿因文殊昔化善住生天行願之事難可具記若

有瑠石琢玉而建立影缺而右龍武軍正將兼押衙

懷義恭而有禮孝以竭力信則因心奉為亡考六郎

於其墳所建立花幢以資魂路缺陵谷遷而不移桑

田變而不改實可謂貞古矣大和二年十一月廿日

記石

圓鏡

開成中青龍寺僧

回日本僧實慧等書

開函見書信增頂符雖鄉居海外人近日宮知音之

道不遺重教之誠彌切今我開成皇帝化周四極八

唐文續抄 卷八
表來朝聖德巍巍皇道蕩蕩左衛功德使驃騎爲股肱之濟濟實文武之薈薈粵在鴻濱渤海巨浪之東是金烏玄象始明之地乃陽德之出處也國號日本卽曦和之直上翔于天乃輝赫之域也國君命宰臣使朝宗我大唐因知彼土大師八人等並習胎藏大牟尼法宗金剛界光明相會學蘇悉地密嚴威儀悉是故空海大師去貞元中來此國投之故內供奉灌頂教主慧果和尚處習學至永貞初還本國弘三部大法爲彼土大灌頂師遂有門弟子八人奉教流化乃西望瞻我祖師之靈遂奉冬夏法服口羅之珍媿

不遠乎數萬里來寄之也并練純廿匹綿一百屯剃刀廿枚并牋素等物敬以捧投之皆列之故大師影前十一人等垂啼寫塔拜首墳前感異鄉之重教媿殊國之懇誠也今相國使還傳燈師歸國當之今月春風習習鸞吟新聲流水涓涓冰開舊沼去去君意遙遙我心謹附書於東國傳燈大德阿闍黎等首春尙寒伏惟動止康裕圓鏡等與此國諸大德等並蒙國恩悉安法儀伏謝遠遺珍奇物及方物頂荷之誠翰簡難喻此地亦奉酬之信備如別紙并經法道具等俯望幸賜檢到雲路阻遠滄波淼然望東日以瞻

之申西天之同志既法無異源亦期之於華藏謹附
狀不宣謹狀

開成四年正月卅日大唐青龍寺內供奉三教講論
大德沙門圓鏡傳教內供奉持念大德當寺寺主沙
門久正傳教內供奉持念大德沙門令則同常明同
義真同法閏同義丹同常堅同義圓同文賁同契宗
狀日本國律大德傳燈大法師實慧阿闍黎等座前
謹空日本隣
交徵書

義真

開成中青龍東塔院僧

送日本僧實慧物狀

青龍東塔院傳法灌頂承襲弟子義真等十八人上
信物道具經法等五鈷鈴一三鈷杵一獨鈷杵一已
上三事故大德慧果先師受持道具充空海阿闍黎
影前俱養金剛頂經真言教法共五十卷羯磨杵一
金剛輪一獨鈷杵一三鈷杵一白穀子二匹黃屑異
紋綾一匹褐結紗一匹雜綾四匹免褐綺一匹白熟
滑州紗一匹黃綾袜肚二紫綾袜肚二黃綾香畫褥
子一紫羅履一白疊手巾一右件物伏望不責輕甚
遠國之信也其物并請實慧阿闍黎與圓行阿闍黎

唐文編卷八
等九人同受用分散謹狀上開成四年閏正月三日
傳法阿闍黎義真等

日本隣
交徵書

智本

大中時百巖寺僧

百巖寺奉勅再修重建法堂記

唐之勝氣壯懷川之佳景者太行山焉其山東連白
鹿西接口壇南眺盟津北暨燕岱中有山曰天門岌
然巨峯藏矣橫帶上插雲漢下口溟壑瀑布懸界噴
浪騰空靈泉湧沙分流散谷窄澗確犖盤石崢嶸口
口千尋磅礴口丈古松偃蹇點翠屏以如粧嵐氣氤

氲口碧岫而若冠孫登臺口時聞虎嘯之聲王列泉
邊每聽鶴鳴之響劉靈縱酒三年偃處猶存嵇康劍
口千載遺蹤尚在齊代長老稠公宴息茲口以立基
築至于周末神僧談經巖窟聽徒每之飯自天來香
從空降時因百家逃難隱窟茲巖猶此寺題號百巖
矣寺之所致四百餘秋更替摧殘三口興廢及我唐
貞元歲有章敬大師師自清涼下幽薊登徂嶮屈茲
寺斲林藪以暢虛心矚巖穹口口道味口毳三霜門
禪四序凡厥所止道俗如市後憲宗皇帝遠嚮德風
徵逐至京以致國師之禮口繼其蹤有范陽大師師

唐文苑英華 卷八
亦章敬之倫肩也聞巖寺之勝瞻太行之絕口徒五
百道示一乘卜寄茲山禪棲口載後虛劉公遵欽至
道邀口遠赴重以師資之敬口後名德繼踵如燈續
燈法眼相承明明不墜即余之先師師諱神悟紹國
師之後兩度登攀襲章敬之風三秋宴坐屬先皇釐
革毀廢伽藍佛像摧頽僧尸口道明勅既口莫不遵
行官吏頌宣敢不從命于時會昌五年夏五月十八
日其寺廢矣傷夫巍巍大廈翻爲瓦礫之堆口口金
容變作泥沙之聚仰天何訴撫地何依謂言永滯口
風豈知再覩遺像至六年夏四月武宗昇霞今上御

口纜登寶位便啟洪恩創治萬機更宣進口古蹤靈
跡口口修崇州府伽藍口口舊額轟轟天下浩浩四
方咸仰聖恩率歸王化 會昌七年春三月革號大
中口居四年秋九月有百姓慘董口口口景安通
性等覩靈山之舊跡感聖上之深恩乃投欸於宰主
杜公啟誠言而欲再造杜公乃圓解申口將聞郡主
主左庶子李公口覽詞擲筆詳而許之至其年十月
十三日符命下縣便令修建於是剪荆榛口蒿口豎
立尊容安施僧室紀綱楚楚典口煢煢皆戮力同心
口志霜操者也時余因遊舊山躬登陟見山門興廢

悲喜交集為僧眾口留感荷銘口再言未諾及有同
 學弟智宗懇志精誠願造法堂請余允受乃與之言
 曰堂成決契宗弟敷口口教口契心源不言而化任
 道而行抵于平陰遇隴西李公諱讓言口欸口口之
 於言李公乃特達丈夫英明哲士一言道合決口口
 口便捨珍帛賫往口口未逾旬月李公倉卒膏肓在
 躬奄忽而終已去塵世嗚呼有匪石之志無終賈之
 堅口口口搆泉綿綿宗公弔乎孀妻暨乎而姪口男
 景宇果終口願更持賄賂便以興工於是命姪口口
 匠碩剪材截梓運鋸飛金口紀未盈巨功告畢其堂

口口中巖之壯口口一寺之口儀口口臨主壑之巔
 岌岌聳口口之勢四角口口皆日相口鎮口口之前
 後踞南山而封口口禪口妙通昏接畫萬古口口
 功罕究命余為文琢珉為記劫石齊堅永永不墜大
 中八年十月五日記金石續編

後素

唐左臨壇大德青龍寺沙門

比邱尼又玄建經幢記

缺

唐女精舍地靈本秀多出奇人果應斯瑞僧基之

缺

皇檢校左散騎常侍兼少府監充內中尚使兄公

缺 尙軍奉御姪當前明經姪楚卿見任左清道率府

缺 之歲有功德季內僧錄賜紫尼澄素頗承 缺 栖止

遂落髮於九重之內授具於萬乘之 缺 文皇帝謂曰

空門高口多尙頭陀不親王侯豈 缺 遂止唐女與愛

姝智幽同黎李父大師 缺 繼踵乃吾心之嘗分耳豈

假苦多 缺 而後 缺 珍口得馬鳴之深玄領空中之妙

旨但 缺 輦學士 缺 州居雲水值松柏 缺 厯 缺 用懷 缺

曰善事端至理有口歸付法自 缺 得口和 缺 悅遺誠

纔畢奄然而口春秋四十有九僧年三十夏 缺 不專

遺共保清規選殊 缺 鄉孝 缺 所託後素口中昆弟備

悉 缺

缺 玉磬音哀金言口悅永隳煩籠獨超鞞屑刻石

德徽

唐孟州僧

懷州監立生臺記

夫離離秋月出眾星以舒暉皓皓釋風載四流而稱
聖是知教傳永代寺啟多方益皇化以及黎居福羣
生而資異道若乃山陵鶴路院貫幽巖一帶之雲岫
凝凝百處之欄房灼灼即太行美矣又以歲寒潔志
道抱清風葺金地以集雲流營孤藍而來士侶實乃

塑採月象構豎徘徊裝飾而談色咸臻焚睹而氛氲
共霧爰有孟州支郡河內英聰紹給孤之前蹤繼祇
陀之後路水精玉地金石齊昇損家俸以登殿基捨
珍財而平紅字王晨之歲月候青陽營香積以供雲
流陳素文而讚上善伏願皇畿昌政長垂舜祀之榮
大業永隆時同堯光之茂遍流沙界資品彙而超因
次及郡風運福星而有慶功圓匠畢補砌復周謹具
芳名以清永固

河內志

元英

唐慧化寺沙門

雲居石經山頂石浮圖銘

夫立身行道者揚名於後代樹善崇德者狀苦於將
來蓋所謂異軫同歸殊途合迹至若周惠博利廣口
溥口修梵福而出塵勞拯幽靈而祛口業其唯釋教
歟此浮圖者清信佛弟子劉元望弟定遠弟文立姪
男陪戎尉志貞姪男志敏并出家妹法喜法口奉爲
先亡兼及法界所經始也元望等悲風樹之難停痛
口口之易踐每懷其鞠育仰口榮口口酬陟彼高崗
思父母之勞瘁以爲福因業感感口則福臻行爲善
成成功則行著口割金帛勵同緣就此山龕聿修嘉

□爾其丹壑青谿蓄雷雨而□虹霓□巒秀岳插雲
○而擎素月於是審□□揆方圓樹□□之寶□□
九仞之□塔徒觀其天近裁規□□□伐□□□琢
雕□□玉磅礴岌岌恍如空□飛來鬱崖亭亭又若
□□□出火珠□晶不夜而星流粉壁□輝無雲而
雪落然後模列聖□□儀丹青飭以相鮮金碧籠而
軼耀度願妙緣遐被高勝永存滇壑□而有期□□
□而無泯□銘曰
有至人兮生西方眾魔而坐道場 尊天兮越北□
□羣旨兮泯空色神用兮尅周□迹兮彌留法體闕

於圓寂□□播於閻浮有孝子兮荷□懷念先君兮
懷罔極捨五介之珍財壯□堅之妙力□竭誠以昭
應仗浮圖而匡翊度□□而福資速超昇於淨域石刻

思敬

後唐長興中淨土寺僧

尊勝經幢記

維大唐洛京河南府鞏縣淨土寺今於當寺建豎尊
勝經石幢伏願皇風永扇玉藻連芳內外羣臣惟忠
惟孝次願鎮縣官寮惟清惟政先亡父母師僧和尚
及兄楊簡姪楊璠當處土地護伽藍神前後亡歿師

僧伏自所年兵革非理煞傷觀茲勝因早證菩提之道長興三年壬辰歲八月己酉朔廿二日辛未建立刻石

希甯

晉天福時僧

金剛經讚

祥夫金剛經者摧邪顯缺三相理事缺一圓串缺二

空缺一實缺一口圓迥異遂於祇圓會上悲缺一海

中流三乘於國土接五柱於世間是知缺一柱中寂

假名言之方顯乃有信重姓李名恭經持二萬五千

餘遍懇缺四一齋心素身而戰馬缺一咸化缺一曾

遭水溺廣闊而渺漭無邊如同陸地無殊曾無少損

此皆持經靈缺一豈味聖慈方欲顯示於信心乃幸

歸於逝水然今清信孤缺一萬達奉缺一過缺一尊

靈宿缺一舊願志缺一嶠未遂醞還掩歸長夜孤子

萬達受父母之嚴訓關骨肉之深情缺一咸有為之

賄缺一崇無上石壁之經所貴不昧平生上報敏勞

之澤粵以大晉天福三年歲次戊戌四月戊寅朔十

五日敬鐫石壁金剛經一卷斯乃岳缺一峭峻嗟峨

之迥出羣峯碧岫崢嶸巖缺一嶽實住佛之勝

境為此土之良因山名合玄之山寺號太平之寺遂

缺一

公舒仰睇歎以其能王耳澄眸嗟其罕有伏惟

堯雲永布舜日長明玉葉金枝光榮萬嗣冀以三途

八難法界異生見在先亡俱登證覺乃為詞曰

缺一

惟有此經諸經中上持

其

巖谷

深遠潛龍膺息鶴翥青霄水流碧澗

其二

孤子資薦志

醺往願經壁周圓定生勝善

其三

本智證真毫光徧清

動念纔生圓鏡以心

其四

石

刻

戒貞

周顯德中修行寺僧

周西京修行寺故講律臨壇大德賜紫尼戒恩

尊勝幢記

佛興西土法自東傳教明了義之因各顯修行之果

大德尼法缺修行寺講律臨壇大德尼慧燈手下出

家得遂披剃進缺講律臨壇秉法度人眾推孤節蒙

留守太尹太師侍中聞其戒行清高動表聞天於廣

順二年七月皇帝永壽節宣賜紫衣至廣順三年三

月得疾缺顏同學等六人善因悟真了真戒通戒恩

五人並已淪沒缺力進身比望永紹宗門長為法乳

何期壽命短長遽歸淪缺佛頂尊勝陀羅尼真言幢

子況佛頂尊勝陀羅尼者於永淳缺賴佛隨波利號
如來智印喻曰藏摩尼顯彰七反之功招感諸佛之
缺塵霑觸免三塗種種之形類受千劫重重之福因
經載難思佛稱缺結菩提之眷休成離恨之緣罪若
冰銷魔如電散然願見存法缺切含靈普沾斯善時
顯德元年歲次甲寅二月丙午朔二十四缺修行寺
講律臨壇大德戒貞記石刻
傅允一作光
前蜀武成中慧業羅漢院僧

節度使琅琊公造尊勝經幢記

原夫佛心廣大教紹恢弘牢籠法界之口間缺之口
佛頂尊勝陀羅尼經九十九口言中口洞宣讚三藏
三口教內於口口口真言羣稱祕密缺我佛由本誓
願缺衢息羣生之雨駐鐵城免善住之花菱口髻纒
宣章句頓曉甚深喻某日之昇空煙霞莫滯等炎缺
停人間之賤業同口天口之福口口廣缺花臺一貪
懽心口時春登于時口花螺口願師子威容垂決定
言授菩提記龍神匝匝凡聖駢填飄四色花合十指
掌事載竺乾之語經存日策之蹤洎大聖文殊缺五
峯僧足萬眾問言當代口儀鳳元年有高僧佛隨波

利□□度思慕清涼逢化相之勸迴取深經而復
 至既尊聖約其契悲心時君親發於御題法侶重明
 於季日龍辰翻譯鳳詔施名使佛利僧□或高樓絕
 頂相看俯□影拂塵沾今樹立經幢必垂普總勝利
 今安昌舊宅慧義靈山雖樓臺之宏壯未全而景趣
 之登遊可尚有羅漢院主師顏上人口化羣心已興
 堂宇伏遇令公與時降瑞保國□□入法之禾口
 得九天□□術匡扶帝缺兩府咸清於惠化二年立
 頂缺堯聰尋傾舜澤甯論缺神祇洽口草木昭蘇二
 江同口於恩口五郡橫鋪於喜色而又去民暇日專

心福田數十處之伽藍荒殘累歲百千貫之物用平
 念以華構維成高幢不立口尊眷屬發至誠心造
 此經幢永為福祐台恩缺鐫口貞石於缺屹若萬年
 永固傳光口依釋教獲奉陶鈞缺記石刻

文口周顯德中開元寺賜紫僧口照大師

周邾郡坊里社眾勗修六曹軒宇四時祭敬記

井序

口夫幽顯難昧陰陽詎測大則口山口續列祀典以
 欽崇深則地府冥開標祭書而敬奉變通口口徵感

唐文苑英華 卷八
靈應虔以口流慈迺諸診膏逐齊莊而去德口百
殃口是以清廟聿興嚴口口壯三口四口口當諫如
在之勤萬井九流口脯薦至誠之歛祝其謹口口以
威容苟或時旱傷苗頰霖雨之沃口口口口口口
口之權衡怒目張而魑魅偷口口口開而休徵顯被
露霾電口瘵口冰消皆憑收捲之功密伏慘舒之力
精繭筐筥之餽口鮮蘋藻之登鑽仰玄猷披戴陰隲
其來久矣孰敢漫焉惟六曹上德九口名寮冲和別
置於天然朗悟殊凌於坤府山含玉潤珠貯川明正
直難口守位甯私於昏嚮英襟莫擬當仁何啻於優

庸肯託名以爲妓未因河而作恠同口泰嶽各掌一
司羽翼天齊股肱王室揮毫案牘人倫之事有盛衰
指顧史官鬼部之情懸憂樂吉凶俯仰禍福華夷應
無迂曲之口自有翁張之理撫忠讜之流輩漸陟亨
衛懲姦宄之儕僚遐埋穢跡蘊茲貞固之間譽動陰
君叶彼委錄之宜運符幽贊朱袍口簡儼然臺署之
姿玉佩金章煥矣鴛鴻之列爰有坊郭邑鄉墅社公
等人各抱謹恪俱懷柔良侃侃風彩門門儀容寒松
之節繁難移璞玉之温朗易秀或隸職轅門或業居
商賈知機識變見義行仁能炯誠於探湯善人交於

淡水公暇相誨□□同籌□生各便於經圖濟活咸
充於贍給歲忻靖泰物樂豐盈承一人垂拱之恩普
安閑放荷二天袴襦之惠盡慶優游左右忠良內外
齊肅撫我厚我懷德懷仁曷無禱祭之勞胡答休祥
之澤須憑香火用報神靈繇□其竭丹衷鳩會祇醮
一約卒集久醮鏹鈇始天福□年屆廣順三載凡經
一紀罔替初終擇地慎材規塘構棟雅容肇塑想玄
室之儀□美狀方圖挺陽間之氣骨分曹列局若窺
綠算之文端秉正形如慎憲章之理四時殷薦六珍
嚴具紅鱗白鹿殫水陸之新鱸清酌紫萼畢庖餽之

甘滑至於車轝壯飾金碧相宣厝馬雄強丹素交瑩
向司方面竦敬漑漑傾情對員位以肅恭勤勤初洗
所冀降靈就玷歆昨臨床執盃肆意於蘭漿猶乎夜
飯下筋□□於鼎實勿類羊羹率奉少牢妄邀多福
俾夫帝力廣運逾八極而混車□相府永居伏一方
而降惠愛上卿小相實敦毗贊之能右臧左寮闕益
匡扶之略然後龍調十雨互川之稼穡有秋兵戢三
邊通野之樵漁□畏老少富壽泉貨奔七遠者來而
近者安亢者臧而勃者遜百祥五福貽慶緒於社人
三苗四凶殲叛亡□徒黨將俟夫勦力無怠拳□有

唐文續拾 卷八
修宗厚地之列官奉明神之享禘遂索貞珉於巖嶠
鑿肩屬之形軀聳奠巨鼇雕鐫大篆口古不古勿迷
苔蘚之痕劫灰莫灰更麗菁華之跡何將盛事見顧
非才刊辭未弃於斐然撫拾終慙於蕘爾乃爲銘曰
厚壤諸英正直聰明無阿無讜心平理平縻賢掌簿
任材司冥批殞錄毘注活蒼生虔祈錫祚昭告口情
薦之薄醴嚮于至誠功潛護物力著加貞岱岳良佐
崇山福星曹局惠愛邪僻消停塑象興宇列饌唯馨
牲牢肥腍漿液潔冷勤拳儼肅竦慄惕兢粢盛歲序
車馬縱橫楮口茂贄彩妓繪繒春憑夏禱秋賽冬蒸

奠醑殷恪固有專口皇屋基壯堯舜聖名紅旆鎮丞
龔黃令聲三辰耀朗九土和甯休牛放馬務農銷兵
漁歌樵唱富口鬱興最肩口酒無敢漫輕公私亨叶
上下登昇福謙助順獎善禍盈兇殲蠱削地平天成
風調雨穆海宴河清口珍龍口隸篆鼇擊撫詞記事
萬古千齡顯德元年歲次甲寅八月癸酉朔二十八
日口已建石刻

